

永豐縣志

永豐縣志卷之三十八

藝文志

詩

五言古

宋

賦答永豐宰黃巖老

楊萬里

吾友蕭東夫今日陳后山道腴詩跡瘦世忙渠自閒不見
逾星終每思卽淒然都邑黃永豐與渠中表間黃語似蕭
語已透最上關莫道不是蕭蕭乃墮我前佳句鬼所泣盛
名天甚慳詩人只言黠犯之取飢寒端能不懼者放君據
詩壇

永豐縣志

卷

三十八

五言古

一

送舒永豐

周紫芝

斯民如草木九聖含春溫秋風一披拂零落難重陳嗣皇
回日御果杲昇朝暎誰令天驕子欲肆長鯨吞王師一唱
亂諸將皆星奔可憐爾羣蒼終不負漢恩固亦念顛仆所
喜邦本存舒侯名家郎祥鸞未騰騫稍分民社寄似欲親
撥煩盍敷寬大詔力補瘡痍痕勿謂蕞爾邑安能著華軒
矧割俱有用雞牛無足言君看宓縣宰視民猶子孫汗馬
無寸勞太傅豈不尊扶衰其有意願復矜元元

寄題董氏桂林書齋

梅聖俞

山東桑柘多江南松桂茂種桑事春蠶栽桂事華構嘗聞
雲蓋下聚書爲大富往往見子孫緣天掇星宿掇星星若

珠光彩出屋漏秋收萬頃田作酒以爲壽亦有千里歸錦
衣行白晝

送董著作知北海縣

梅聖俞

君嘗佐王屬議平天下刑出宰得古邑農鋤多帶經素琴
伴飲酒綠蘚生訟庭舉首望海雁高懷在青冥

董著作嘗爲參謀歸話西事

梅聖俞

予說頗驍勇築城收漢疆提兵無百騎偷路執生羌大將
罪專輒舉軍皆感傷歸來出萬死羸馬亦摧戕
元

題劉翀霄五世圖

劉鶚

昔聞康節翁慈母八十餘階前小稚子歡笑時相呼甘旨

永豐縣志

卷三十八

五言古

二

足豐儉自謂此樂無今君祖母秦九十康強俱牙齒盡完
固起居不資扶鮮鮮芙蓉裳皎皎明月裾綵輿親迎養獨
覺愛日舒有兒俱白顛有孫亦銀鬚曾元遶膝下日向庭
闈趨一門極孝友五世咸怡愉矧君自奇士振策當要途
風雲接平步日月明亨衢覃恩追考妣盛事誇里閭苟非
母德厚此福甯易居恨無漢史筆逐一爲母書嗟予辱同
姓感念成長吁祖年百又一孫子紛如圭深衣晝錦緣曾
繪家慶圖壽康世莫比好事傳京都翰林歐蘇輩詩頌焉
可誣及今甫七載往事浮雲徂我恨豈有極君樂當何如
題詩卷還君悠然淚盈袂

次羅士鼎韻別以通

何中

桐花滿天地鳳衰竟何鳴豈無雙彩翼誰與相目成山長
迴風駛道暗浮雲征孤飛良獨苦吾道甯虧盈乃持一箭
書欲破萬古城寸心挽來世日月當回精我亦願追逐難
以覓形聲志合身復乖良晤何難并君持黃金鞭微徑所
不經我無匹雛力敢擬世上英豈知一日別遂有千載情
明發隔山岳何當與細評
明

題永豐龍潭書屋

楊士奇

開軒面澄潭潭水綠於染其下蟠蛟虬四時興有滄嘉樹
羅蔥蒨煙霞互舒斂晴漪漾春牖涼颺含暑簟俗轍謝經
過書卷常不掩探微心有得行素道無歉逍遙視天宇油

永豐縣志

卷三十八

五言古

三

雲遲冉冉庶跂沂上樂誰當歎與點

送翰林侍講曾子棨扈從北京

陳全

禁城春色深秦淮冰漸泮萬乘重時巡鳴鑾出畿甸初陽
絢宸旒祥飈塞翠幔兩京何巍巍佳氣相炳煥省方著前
典游豫興夏諺夫君詞林英扈從才獨冠載筆歌青驪揚
帆引歸雁幽并極冥搜恆霍狀雄觀頌成東岱封賦就長
楊獻天寵定褒嘉鵬程博九萬

前題

劉子欽

金臺鬱岩巖西山奠厚坤王氣昔騰發鴻圖千古存大明
繼昌運飛龍麗天闔重華協帝德膏澤被黎元皇祚保宗
社兩京開萬年巡狩秩典禮鑾輅復北轅陽律屆仲月惠

風布晴暄萬乘啓行邁千官同駿奔旌旗抗江滸鹵簿互
都門天顏霽春暉麗日熙朝暎我友金馬客通籍列詞垣
龍頭擢魁選鵬漢斯騰騫扈蹕仰清光抽毫承寵恩念昔
攜手好筵跡鷺與鵷睽違隔芳序密勿羨高賢區區抱寸
赤默默欲忘言况茲遠爲別繾綣及離羣置酒不盡歡投
贐奚足論請以報國心臨歧重贈君別離勿重陳勉旃播
清芬願爲雙黃鵠送子摩高雲

題劉氏寶墨堂

陳獻章

士以道爲志所修在綱常書札乃細事於道未爲光劉生
素嗜炙萬軸紛在牀龍蛇識變化雁鶩分低昂金銀畫沙
腹星宿羅天章中有羅一峯下筆神揚揚天機躍兔穎對
之令人傷既有洗硯池豈無寶墨堂何當詣劉生呼酒歌
顛狂

永豐縣志

卷三十八

五言古

四

湖西八景次陳石齋韻

羅倫

太極丸春

一丸三百里兩儀位太極誰從羲皇前畫此無量易白日
煥天章萬古永不蝕吾亦欲無言元天本幽默

翠元幽玩

金鼇開一竇乃透元龍麓一入洞天遊火龍銜玉燭仙都
象衛嚴永夜不得宿仰視低鴻濛瀛海駕蟠木

鼇峯霽雪

東極蟠金鼇寒通雪山白祝融鞭火龍六月銷不得曾上

金鼇頭已在崑崙側只恐金鼇飛白玉橫天勒

冕嶺晴雲

坤厚載神秀雨暘時若之沛然澤下土乃與天公疑朝躋
已膚寸濟旱方此時虹霓慎勿見羣黎生苦飢

大旒垂玉

大旒自何許太乙元精傾此水下無敵上與銀河并一入
眾生口萬劫塵心清萬劫塵心清萬劫消心兵

飛輦橫翠

仙人此息駕太極開鴻冥如何翠蓋力敢與崑崙爭蔽虧
三萬里晝夜移天行紫氣滿雲漢可望不可名
一峯來秀

永豐縣志

卷三十八

五言古

五

五

太虛忽突兀孤碧自天柱完完太極鄉浩浩陽春塢萬象
羅兩儀俯首環內竝撫掌無極翁昨夜聞天語

三峽迴清

百里蟠天城天河下縈互羣龍沕淵潛眾蛟輕使負源通
崑崙邱影接扶桑樹日暮聞棹歌武夷是何處

太極書院八景次羅一峯韻

陳獻章

太極丸春

天城列兩儀其中位太極不悟名象生焉知畫前易伏羲
古已亡圖書久晦蝕寄語山中人妙契在端默

翠元幽玩

翠元在何許乃在金鼇麓石門俯幽深來者晝秉燭繡壁

誰可緣丹房我當宿呼童烹金鼈膏此千丈木

鼈峯霽雪

一鼈海上來頭戴雪花白諸鼈起相拒千秋歸不得仙人
羅一峯永戲金鼈側借問別離時西佛生彌勒

冕嶺晴雲

玉冕臣諸峯左右羅絡之雲來巾其巔得雨不復疑豈無
澤物功雲覆在何時悵望百谷春廣濟蒼生飢

大旒垂玉

大旒無此奇偶值銀河傾願迴銀河流免與時濁并一洗
日月光再洗天地清何止天地清萬世無甲兵

飛輦橫翠

永豐縣志

卷三十八

五言古

六

我昔遊太空太空雲冥冥歸來控翠蚪力與金鼈爭巍巍
太極尊揮置東西行如何千載下空擬飛輦名

一峯來秀

湖西有一峯天地得撐柱旁有龍源峽北有浮香塢我行
崑崙邱一望一延竝歸來二三子抵掌太極語

三峽迴清

一峽蟠一龍羣山莽回互武夷雖九曲三峽誰勝負澄澄
水上月歷歷谷中樹焉得千丈筇坐弄潺湲處

按羅文毅作題係湖西八景次陳石齋韻石齋作題
係太極書院八景與湖西二字不合疑經後人改易

蓋太極書院創自嘉靖己未二公倡和時亦安得先

有其名乎同此一題而名目互歧均宜易作太極八

景爲是

新增

王希和植雙桂於月橋上邀賦

張元楨

肯構心跡異華扁亦已長簷端浮雲細戶牖開微茫門前
石橋西雙桂懸秋香深根連月窟密葉羅穹蒼詎能無桃
李窈窕空豔陽茲桂有異質偃蹇沍冰霜客來八月天如
登廣寒鄉相隨偃佺輩七色雲錦裳宴酣清虛景吹簫彩
鸞翔素娥揖我言舉酒觴吳剛玉斧勿伐毀留取配三光
上翳廣寒府下蔭君子堂骨冷魂魄驚悸悟增慨慷已知
斯橋好恍然通上方

題清風書館

張元楨

永豐縣志

卷三十八

五言古

七

炎宋際文運道學充虞唐風教清以遠四海絃歌揚吾邦
有先達奕世居秋江築臺環碧漪披拂散微涼六月不受
暑灑灑飛秋霜端居理黃卷味道深逾長趙氏旣訖錄世
故多滄桑絕憐衣纓基坐此榛莽荒大明御海宇文教逾
姬昌雲初紹先德跡故營書堂入窗文波漾湘帙芸生香
博山動沉煙灑氣浮金商翛然爽胸襟飛翰層雲翔清風
流以永後嗣矢靡忘育村有斯地千載瞻休光

奉題劉景仁先生東山詩

羅養明

東山有遺土俯仰不共俗春陽布方物山水媚幽獨澆詭
日交馳溘風何由續安得逆頽波古道終須復夔龍登紫
閣巢許遯巖谷顯晦各有道於我奚不足

前題

邱筠

萬貫買青山，翛然薄塵俗。初日動海角，光射幽人腹。眾禽驚且呼，睡夢仍未足。覺來盼冥鴻，無心遠相逐。

遊梅仙山

宋儀望

白雲在深山，山深轉空翠。古木凌飛煙，叢竹亦森邃。梅公隱何時，漢道昔云季。當其抗言時，鼎鑊甯足畏。一斤渺何所，去作南昌尉。茲山信超曠，盤鬱多佳氣。幽棲亦何爲，豈不以我貴。一朝變姓名，挂冠從此去。親舊相太息，妻子不知處。余亦骯髒人，誤觸當時諱。見幾苦不早，撫己有深媿。永願謝塵緣，長往從吾志。

恩江遊獻山紀事

有引

李日宣

永豐縣志

卷

三十八

五言古

八

獻山距城十里，從城南一望如螺髻。三丫昂霄柱，空真豐郊奇。觀余偕鄧一丁二丁五立馬，凝視爲之股栗。距山五里，風霧籠日。三峯半插雲中，擬可接天。又近半里許，兩小島平鋪下澗。一石門高三丈，瀑布五幅如掛。余控轡不欲去，循之則五巖延袤也。至山麓，棄鞍著屐而上。茅深如竹，石磊作滑，不及駐息。跌巖轉石盤曲，通道自麓至頂，便可二三里。山腰有兩天門，堪作憩亭。相傳夜有土地傳燈如星，竟上則三高峯平嵯分嶺，兩小峯下突。右足稱五巖，云中峯石土相半。沿嶺盡爲松竹榛莽，所據無片地。置足寶殿，北向壘石塞門如面壁殿。

堂皆鋪板懸室若坐層榭小過蹲石徑通寓仙館
凌空閣爲諸遊客夢所皆傾圮不堪惟觀音閣近
起於燼卽稱中峯佳麗至大門一望則層巒疊嶂
高高下下如碧海翻浪其門斷巖小島突斜凹折
如魚龍出沒江波若夫朝霧夕嵐煙樹晴隴點綴
村落如繡如畫至其風濤起吼草兵作陣板閣搖
動相顧錯愕則又恍然如身在江風小艇真山光
水景也從中峯下右垵爲右峯是古飛仙處山突
苔脂不及登復左旋上左峯削石夾道如芙蓉如
躍鯉朝天如偉丈夫壁立奇曲達殿門號注生橫
過左角懸厓峭壁如几如牀如棋局可坐十數人

指顧可望百里邑城一片在堂橋水潺潺瀉其襟
余顧諸君鬪草圍棋况致殊佳瞿瞿一老僧剝山
栗點茶相餉問邑侯禱雨處對答甚悉惜余不能
棋研墨搦管無一片光明石可供品題獨有中峯
道士伸紙請記余無所了興偶爾拍掌散歌爲之
走數行報山靈時辛亥九月初一也再宿而別

城南十里耳五巖矗其北望之如螺髻扳援未可得隨意
附藤蘿信足投荆棘撥雲穿草徑臨風挾松翼磊磊梯石
滑險巖不及息蒼鬱愁穴虎黯黤疑叢蟻如何光明殿杳
靄少顏色披襟坐懸巖一望都奇特下睨羣峯渺仰覺重
乾逼危石跌孤嶂亂島界曲湜青山流似浪綠畦錯於織

嶺削芙蓉朵樹絕樹李植有茶傳僧供無果充佛食聊可
摘山蔬桑山飯蒲塞共言鬪野草采采實不克摩石作棋
子高著敵岐嶷

國朝

出塞吟一百韻

陳學海

稽古初生男弧矢懸屋角問此何爲者四方志自夙憶我
生南邦學書劍未學文場幾酣戰筆陣頻奪稍浮名廁仕
版竽濫竊天祿初剖貝州符繼治西曹獄晚登御史臺鐵
冠豸作服兩歲喜三遷疊感

君恩渥擬用陳芻蕘庶幾効啓沃無端邁城火殃禍逮水族比
匪良足傷乘釁肆謠詠

永豐縣志

卷三十八

五言古

十

九重天路遙末由訴衷曲落職戍西陲頓覆公家餼雖云遭數
奇謀身本不淑君子貴自反詎敢興怨讎矧際

聖明時黜陟因材篤栽者材當培傾者理應覆清夜常捫心臣
罪積山嶽小懲而大誠豈作窮途哭投竄分之宜行矣悵
彳亍緬彼英雄風慷慨振芳躅投筆漢班超破浪梁宗慤
我雖操觚士志氣頗騰趲鍛羽起飛搶轅駒笑局促此行
倘折首功成罪可贖單車欣就道一主挾一僕行李殊蕭
蕭戎衣夾被襪長驅出居庸行行履殊俗黑河流潺潺青
塚勢轟轟甫別豐州城旋繞大青麓大青山在城外曉看岫雲
興晚聽松風謾迴環千百盤下望見平陸野花致清幽紛
披等秋菊狼藉襯馬蹄開落有誰掬俯仰茫無垠豁我萬

里目翱翔祇飛鳥槎枒惟古木行到迷離時不復辨南朔
踰月涉瀚海赤地鮮溝瀆時值炎夏節火繖正熇熇驥渴
不得飲骸垢不得浴欲憩乏棠蔭兼旬苦暑溽始知行路
難轉覺進退谷地喜不愛寶碓硃質似璞採之供幽玩光
彩殊斑駁擬物形惟肖無煩巧匠琢過此入深塞地勢彌
悠邈履險攀層崖躋巔極遙矚四垂天字外但見山水複
况乃風土殊不耕祇可牧居處雜男婦孳息總羔犢何以
供饗飧酪漿果飢腹何以快曳婁氊裘當霞縠何以蔽風
雨茆廬抵夏屋醜醜飲輒醉意興頽然足樂音操土風淒
音類擊筑因嘆人世間生意何齷齪卻饒太古風懷葛思
芻芻道僻罕拾遺墟曠無莽伏千里不裹糧在處可信宿

永豐縣志

卷三十八

五言古

十一

耦居無畛畦飲啖恣所欲何爲中邦人猜忌鮮雍睦乾餱
易失德反脣輒抵觸身不親邊庭那知殊俗樸跋涉歷三
月窮愁貯萬斛旣踰山川險復冒霜露暴日積面上塵月
消髀裏肉卜子教致身焉辭寒與燠行近亞夫營遙見主
帥幄刁斗森且嚴不識軍容肅投麾入行伍分夜事守捉
腰間插羽箭手底提鍔鏃或從將軍獵馳騁共逐鹿或隨
裨將圍糾桓爭中鵠我

后耀文德八荒樂化育蠢爾敢逆命陳師旅用鞠

王師步伐齊列陣首尾屬塵囂千騎攢身輕一鳥速士勇知戰
伐馬肥飽苜蓿巨礮轟雷霆寇聞心膽縮以此攻不庭窮
虜勢轂棘搴旗復斬將克敵勢破竹烽煙行將熄遐邇並

蒙福賤子隸戎行無營空碌碌瞥眼經三年光陰似轉燭
高天俯劍看暇日展書讀浩然正氣在無慙衾影獨衾影
雖無慙生計日以蹙所須祇一飯一飯祇脫粟脫粟亦不
繼但願飽飡粥客囊久羞澁禦冬乏旨蓄釣水烹細鱗采
山茹野菽捉襟肘乃見兩手苦皴瘃萬里遠慈幃不得奉
半菽嚙指痛蔡順斷蔥悲陸續陟屺與倚門兩情向誰告
既遺親心憂又慮

君命辱或冀臣職盡庶用慰顧復無勇卽不孝敢不事匍匐勵
茲四方志軍行勿追蓐何當俘馘歸勉旃及時勸

題鍾元堂明府閩村春望圖卽送其之任定遠

姚 蹟

永豐縣志

卷

三十八

五言古

十二

陽豐我同郡夙昔山水囿閩村尤鍾靈形勝無與右九峯
列屏障三山架筆就白水挂飛簾蒼茫瀉寒溜下滙千丈
溪南北分廣袤高門此族居冠蓋標鉞鏤古樟大十圍重
岡挺積秀蔬蓀植町畦池亭列前後春來風氣和縱目百
卉茂靄靄雲光生粼粼縠紋皺松奴頂孤圓鶴浴影清瘦
平疇樹若薺遠徑人如豆梵語度薌林幽情慊元構日斜
石腳移月出籬缺逗想見村中人翛然脫塵垢先生濟世
才經術早淹究當年戰文菽登壇九石穀旋分山右符保
障功特懋長生共戴束邦人方借寇遄歸指巖泉流枕石
可漱結茅傍祠陰一畝不用僦雅懷托素縑命筆寫林岫
春望良獨佳山棲詎終副卽今秋漢明郎官燦列宿山縣

紆循良復此綰華綬髮州古炎荒地僻俗亦陋君行扇仁
風紛披掃宿瞽力大無全牛恩深有哺鷄琴鳴眾豫孚剡
達賢聲奏計日下徵書謹諄動老幼東門報最來離索慰
我覲重披手中圖相將數鸞鷲浩歌吾猶能開瓠倒春耐

謁西陽宮四首

李金臺

綰符宰豐陽瀧岡歸版籍每思西陽宮一覩文章伯三年
困簿書未往情脈脈幸從解組餘得事山水役茲遊性所
耽况有同心客薄雲翳晨熹相與理征策輕衫與芒鞋不
著參軍幘逶迤度市廛逍遙凌阡陌遠山如相迎層層出
遙碧峯岫互吐吞翠微不能隔野水連遠空綠樹映虛白
嘶寒蟬嘒嘒驚人鼻拍拍覩此使人怡繾綣何能釋

永豐縣志

卷三十八

五言古

十三

峯轉路亦回西陽已在面縹緲絳宇間參差皆可見棹楔
表寒煙搖風簷鐸顫入門秋草繁狼藉青蕪徧時有兩三
花牆陰餘葱蒨瓦墜每碎鴛礎裂或餘蘚地不隸縣官幾
年缺營繕西偏小院幽豐碑猶巍煥照耀沙溪陲此爲靈
光殿再拜讀餘文藻思倬雲漢村人談奇跡龍宮驚復現
上有蛟龍跡爪痕指漫漶妄言妄聽之我亦得奇玩搨本
走江淮一紙千金賤但恐歲月深剝落成紕縵法物誰愛
惜眷焉起長歎

乘興快遊遨佳景恣所欲言有崇公墳巍巍瀧岡曲同人
賈餘勇高舉陟林麓捷擬攀條猿挺類走險鹿坦途快散
步畏景咸瑟蹠相與踐層巒披榛尋遺躅古塚儼在茲禮

拜神自肅憶昔築夜臺烝嘗勞尸祝悠悠千載餘秋草卧
天祿辟邪摧頭角樵牧多敲朴後賢景前哲歲時勞修築
至今塚後碑樹玉猶轟轟遂登塚後岡俯仰送遠目連山
若波濤奔馳競相逐重岡疊環抱層層相聯屬我無郭璞
才聊此供遐矚
入秋困驕陽暴暑同吏酷是日稍陰翳凌晨相招趣高春
雲漸收謀歸恐不速非關興盡返良以畏煩溽旣出意遲
遲心賞未云足回首西陽宮老樹雲煙簇崇岡猶在眼峯
巒互起伏佳氣何鬱葱嵐光若可掬抑心循歸途步步勞
回矚安得辭塵鞅卜鄰山水曲結此文字緣景行慰幽獨
長伴漁樵侶塵世免馳逐

永豐縣志

卷三十八

五言古

十四

十四

蕉垠卽事

畢光榮

暝色蒼然至漸迷嶺頭村顧言問僕御答云抵蕉垠道旁
來老叟迎車笑語溫若言前途遠幸得備夕飧難卻殷勤
意款我入柴門上堂呼茶果承命奔兒孫山蔬兼野膾錯
雜列雞豚累辭無佳味須盡酒盈尊念予宰茲土素飧那
復論况感主人意此心羞自捫田家有眞味飽飫領清醕
下新開塹

張瓊英

連山排叢篁曲徑轉石角江迴波聲寒峽岸地勢削揚帆
飛中流箭疾不得泊南村遙山青水木蔭晚閣翻疑身何
來頃刻度萬壑從茲乘長風出險勿蹈惡

訪宗太翁車深

張瓊英

我有素絃琴得之太始初終年不一鼓寥聞元音虛豈不
念友朋同心而離居矧我同姓好十年會面疎一朝邂逅
遇握手中腸舒憶昨驅車來山石危崎嶇陰巖下寒水古
木四環廬天風颯以吹其聲來欲噓相思不相見一闕渺
愁余今夕復何夕置酒臨前除山月夜轉白江水深有餘
爲君彈此曲此曲復何如

田家詩二首

張瓊英

茆舍灑涼雨原田明綠漪起行原田上筍笠斜風吹和澤
悅萬物吾亦聊自私恭承高曾貽數畝勤鋤犁食力有本
計可以娛歌詩清談日盈座飢來當告誰

稼穡性作甘田家力作苦時節過清明有酒不得湑昨朝

永豐縣志

卷三十八

五言古

十五

土脈蘇叱犁喜膏雨濛濛三四日天寒袂恐腐巾履不出
郊嵐氣生簷宇好風東南來吹綠孤村樹池霄夕陰清山
空白雲吐鳥聲喧布穀吾亦勸亞旅黽勉趨三時從容登
二龠

紀事

馮詢

永豐古廬陵山水毓秀良先賢代不乏最著惟歐陽我來
謁祠墓屹然臨瀧岡祀公西陽宮書院依其旁胡爲文教
地近公轉荒涼非無膏火資無人爲振倡亟亟召生徒延
師開講堂敢謂近先賢遂得接瓣香幾希繫人心此理參
毫芒

近聞明德鄉四者甚可喜能學古廬墓一爲羅孝子蓬垢

面雨淚六年久如是父母相繼亡已亦身殉死又有三善門問姓吳劉李傳家俱數世不肯分居址一室無異爨百人繁食指向非敦孝友何以得有此此皆古所希同時況同里鄉愚不讀書謂是常事耳敬當請

旌表使知厚俗美

永豐無奇產專重在菽粟早潦豈能免所恃惟儲蓄乃者集紳民義倉謀建築綢繆及兩年喜已有成局雖然有成局更須計之熟毋令邑有穀而民歎枵腹

隱居寺詩

馮詢

我性難疎狂作事頗務實未敢輕說夢何況說夢佛惟其無此心此境忽幻出是有前後因安可以不述陽豐西城

永豐縣志

卷三十八

五言古

十六

西傳有古檀越我來已三年咫尺滯游轍日者過山門逕然入禪室路既如已經僧亦似曾識坐久心茫然忽復大悟徹是曾經臥遊所歷記一一豈料夢中境竟於眼前得三生緣易牽半日話難釋因問寺何名隱居此陳跡隱居者爲誰姓名則已佚而寺以隱傳居士必絕特或成霖雨功乃慕煙霞窟否則不世才終身歎抑屈萬慮盡了了思與老僧匹仙佛皆英雄羣超而倫軼奈何一卑官我獨苦羈勒既無功於人又不自食力進退兩無權居士笑我拙欲覺宰官身卽佛法說將我入青雲滌我俗心骨又復示真境使信非虛寂浮生本大夢夢醒卽白髮嗟哉我夢遊遊過隨夢滅能遊不能居對山徒太息佛前爲此詩聊

作後證質未悟去來今且誌年月日

夜過柯樹嶺

徐湘潭

午餐憩流坑名村遙峯已亂影客途貪趨程肩輿且復騁行
行四三里遂造柯樹嶺危棧接天垂古木當路挺雨歇泉
更喧谿深霧彌永劬陟旋艱下陰崖昏若井雲障月色微
一步一深省狂飈撼山來齒舌都吹冷小童怨擔重動輒
蹶泥濘疇非人子歟忍重加呵警好言相撫慰出險在俄
頃遠樹何微茫一豆鐙光炯未到心已馳雖疲足捷逞艸
店雖荒寥已覺安樂境篋書喜無恙囊膳聊自整嘆茲須
臾間辛苦百端併噫嗟遠遊人回頭曷不猛

獨遊至員藍峽登雷打砦

徐湘潭

永豐縣志

卷三十八

五言古

十七

居閒富幽興孤遊遂以遠接目緩推尋似趣紆牽引凌步
陟層椒精神助高散矢念務深得擇險棄平穩一峯忽孤
騫萬石鬥巉嶮凸凹互蔽虧齒牙森哆偃謂仆還相扶欲
墮忽復反枝拄良亦苦真宰不避嬾加意出瑰奇飽供幽
人眼娟娟藤蔓垂悄悄蟲蛙隱鶴鶴一聲喧清飈邃壑卷
境奧禁平聲搜討催人落日晚默語謝山靈茲遊緣詎淺再
來邀老蒼劓詩剔苔蘚

藝文志

七言古

宋

雅歌樓詩送永豐宰鄧晉卿

王庭珪

潢池赤子弄庫兵，犬牙蟠接虔漳汀。十年烽火照縣郭，白晝不敢開衙庭。忽見青樓臨大路，樓上高歌揮白羽。樓前解甲看投壺，終歲不聞撾戰鼓。主人燕坐展風流，小婦鳴箏樓上頭。曲罷仍能雅歌舞，送君此舞傳中州。

和周通判永豐破賊

王庭珪

五更盾上聞磨墨，夜半沈思破殘賊。平明露布已成文，倚馬不知軍務劇。初傳別駕下南州，人如天馬來西極。指揮

永豐縣志

卷三十八

七言古

七言古

十八

猛士驅虎貔，坐使威聲馳絕域。敵人昔渡西樓山，漢皇不閉玉門關。四方羣盜蝟毛起，旌旗光拂斗牛間。回戈必定東征去，鎧仗如雲光照路。捷書飛入甘泉宮，插羽鳴鞭氣橫驚。公家人物世不衰，况復詩名天下知。探驪得珠何崛奇，更欲盡采珊瑚枝。

題永豐劉伯英雙清亭

楊萬里

銀河一派天上來，霜松萬本水際栽。公幹作亭占佳處，攔住清風入窗戶。醉餘綠綺膝上橫，學得松聲與水聲。更待九秋月亭午，白玉壺中有新句。煩君赤手雙拾取。

元

吉安老人詩

揭傒斯

吉安老人者劉士表叔正也百有一歲而聰明康強好善不倦其小同歲翰林曾巽申請賦述其辭作是詩

吉安老人一百一顏如春花眼如漆肥肉大酒飲且食兒笑啼孫繞膝行不扶杖夜讀細字風雨疾鄰里好事時相覓朝出門歸必及月出歸路行且歌歌復笑啞啞借問老人平生何所爲壽且富身康強子孫賢無匹云是家世爲儒不能服食求長生世世惟好德天旣假我以年未省欣欣與戚戚居無行輩可同語後甲同生子孫已盈室且有高官職幸遇天子聖且仁天下無似我老得自佚一聞老人言豈但金與石千金之藥可廢老人之言不可失老人

永豐縣志

卷三十八

七言古

十九

行年一百一一復一生生之數何由畢天長地久何由畢

食粥

劉鶚

至正甲申歲大饑民多艱食殍死者相望盜賊擾擾予亦缺食未免作粥以延殘喘因賦食粥歌以

暢懷

朝餐一頓粥暮餐一頓飯每當食粥時未免一長嘆少年何事不相遭胡爲晚歲方論交此時菜蕨各已盡以糟配爾爲嘉穀旣啖糟復食粥卻憶年當三十六笑攜省檄上皇州曾以文章動流俗二程祠宇陋且卑我奮赤手更新之至今豐碑照淮水碑成秩滿遊京師京師嬉遊二十載鐵石忍窮心有在聲名歛起鳳凰池風雲已際魚龍海當

時結交多貴人往往尊我席上珍執經或在弟子列或遣
弟子來相親劇談王道尊禮樂每激薄俗敦彝倫閭疾
苦詳敷陳亦或一慨眉爲顰有時華筵湖山下爭挽先生
共陶寫滿堂座客盡豪貴亦知推讓宗儒雅盈盈珍饈簇
金盤袞袞葡萄浮玉斝金釵十二列兩行班班初匪尋常
者主人行盃極歡笑競唱新詞誇豔冶半酣相與索題詩
揮毫寫向香羅帕尊前爲我發新聲自以風流望鄙野萬
錢日食固有限一笑千金絕無價放懷滿飲鸚鵡盃何心
復戀麒麟畫鷓鴣舞罷月欲上半掩城門歸並馬等閒高
會難具論酒酣掉臂金馬門三三五五正少年乘興共我
歌浮雲窮冬出使居庸北駿馬穩步龍沙雪清霜在鬢冰

永豐縣志

卷

三十八

七言古

二十

在鬚指凍欲墮肌欲裂苦寒不透貂鼠裘青鼠煖帽方蒙
頭璫田玉界中著我自是奇士眞壯遊解鞍沽酒彈箜篌
打手刺刺歌鳴謳丈夫有志在許國我自樂此忘羈愁連
檣海運三百萬署鈐楮尾方成卷每憂談笑忤王事朝夕
馳驅敢忘勸湖廣文臺正乏賢諸公爲買江南船漢陽春
樹晴歷歷秦樓夜月明娟娟手提文印不半年首爲鄂學
歸侵田蓬山有詔歸朝天錦袍公子皆神仙宣文閣靜萬
幾暇時遣中官催進話飽聽天語近天光神挹天香更瀟
灑壯遊旣倦思還家竭來庾嶺觀梅花桑麻絃誦各得所
玉堂召我天之涯平生所歷猶在眼夜半思之皆夢幻盛
時不敢忘貧賤自喜枯腸藜藿慣飽食粥無嗟咨爾糟爾

粥甘如飴鷄鳴曳履東家籬蕪萋曾療王孫飢粥兮粥兮
敢爾卻猶勝蕨飡滋味惡苟延殘喘待秋成白髮春風會
如昨

用歐陽文忠公神清洞韻題羅士鼎米元暉神清洞

圖三首

何 中

潁陽之水翠煙深仙人不見勞我心藜峩峩照空廓白
雲欲飛石欲落此中不著人間客采藥歸來花滿石想當
飛舄墮層崖數聲清嘯驚瑤臺緱山蒼蒼今在眼舉手招
之殊不來

潁陽之山夜鶴飛仙人不見歸何時神清之洞有幽客應
向洞中煮白石洞前巖下仙家胃幾片落花雜飛溜高下

永豐縣志

卷三十八

七言古

二十一

樓臺縹緲霞綠樹不老青山壽王生邢子意殊勤恨我隔
此浮空塵安得碧雲千萬疊栖此人間謫墮身
元暉昔作江西客夜飛墨花曉無跡春風留此二百年幸
是山中至人識百千黃金雙白璧鵝溪白璽纔數尺潁陽
山高風露寒幾處高堂掛生色

讀羅時翁燕山行稿

何 中

去年送君萬里行英雄氣富乾坤貧今年君歸未會面燕
山行卷驚倒人我從江南想江北八陵草暗孤雲白夜窗
燈火讀君詩一段奇愁貫地脈燕山山水負雄奇千五百
年君有期荆卿等輩了不見咄咄怪事令人悲黃河西來
走東注太行山高壓中土河山壯觀帝王州萬雉城荒土

花雨宣和玉輦去無蹤蕭條艮岳搖秋風東霸城邊見銅
狄廣武戰處思英雄天地空荒形勝老兒女終身不能到
北征詩後斷無人騎驢獨向長安道長安道上新豐徒怪
哉卻與南山殊天下久無快意客此客乃爾雄眉鬚卽事
非今亦非古牛鬼蛇神萬妖舞千里萬里種奇語要與嵩
華爭步武人間時官不值錢歸來添得詩一編堂上稱觴
拜親壽膝下讀書忘歲年要狂卽狂已卽已丈夫作事當
如此何由相見共君談寄詩問訊聊復爾我今山中一處
子滄洲滄洲天下士時翁自號滄洲

明

月明花下吹簫應制

張唯

永豐縣志

卷三十八

七言古

二十二

二十二

紅粉翦露春霞香銀漢西流宮漏長紋窗初上簾鉤玉手
把篔簹吹鳳凰清香嫋嫋隨風發飛度瑤階翻白雪十二
樓頭花月高流影三山白銀闕隔簾翠霧吹陰陰春香滿
地晴濤深高臺一曲疑孤夢廣寒桂影天沈沈秦娥蕭史
如雲逝留得清音在人世太平天子奏雲門願鼓韶和歌
至治

贈閬溪友人之子入覲

解縉

我昔曾遊閬溪上閬苑仙人過相訪開筵醉月坐瓊花氣
吐虹霓各千丈葛山對面如屏帷白雨一洗青琉璃御紅
飛鳥忽來下勾漏丹砂明日歸武城公子攜客來卿家歡
喜懷抱開傳觴踴躍催羯鼓倒挽河水添金盃高懸大畫

白雁飛畫者濠梁崔子西濡毫請我作詩句大璽尙有宣
和題聿來賓從甚雜還論古稱今恣歡治門豎岩堯百歲
坊翠柳黃鸝聲恰恰翻思此地盛文儒六一文星照碧虛
鳳凰瑞世西山真於菟孝感徐東門龍潭學士登金岳武
城直院祠先人當時墟曲勝鄒魯絃誦日夜聲相聞繁華
事往文字存靈芝瑞草香氤氳麒麟繡紱光隨地鸞鷲和
鳴鸞鳳羣別來倏忽二十載重尋舊夢無時改亭亭玉樹
立當霄天馬行空見風采魚箋索我遠遊詩并道嚴君勞
夢思半生足跡厭江海陶令欲賦歸田詩如何更有馳驅
想壯士飄飄九天上買舟東下朝玉京彭湖匡阜入眼青
大江橫流作天塹萬國如此宗神明觀光禁禦日五色訪

永豐縣志

卷三十八

七言古

二十三

道橋門奏金石蕊珠宮裏閱瓊文金粟林中話空寂草堂
古篆兩三行正如金薤垂琳琅吳人天璽殞星石皇家字
畫蛟龍翔暇時載酒一坐卧明珠徑寸當空墮拾裝又作
薊門行析津之水浮蓬瀛天回北斗運此杯地合九城通
杳冥黃髮含哺鼓腹歌常從五夜聽雲和周宣中興有石
鼓奠鼎國學包山河君能睹此實奇偉下視五嶽如坡陀
會當拓取一萬本便可拂袖歸山阿買田築石守金玉扶
老攜幼瞻羲和重來閩溪爲翁壽與君握手同遊歌

南隱舅邀諸公遊仙巖分韻

劉巖

青山如龍似天下石竅豁訝吞九野中闢神仙窟宅尊白
雲四壁秋瀟灑層層削玉翠屏開瑟瑟流珠晴溜瀉腥餘

石榻夜蟠蛟仗立琪花朝簇馬銅盤柱折迸珊瑚海藏筵
開陳瓊筓霏空紫霧閉陰宮太古寒冰凍朱夏後來掘鑿
混沌穿道妙不傳存土苴藥化香消挂瓠瓢丹成火死閒
爐冶金鐘吼月紐空懸寶蓋垂雲柄堪把芝老重逢避世
人鳳鳴不見吹簫者瓊崖嚙足仰登天圭竇容身通廣廈
同遊豪俊詫杯乾深入虛吾驚燭炮氣酣歌舞任喧呼身
在蓬壺足圖寫亂代歡娛那得常塵緣憂患誰能舍我來
悟道淡無爲內有金丹非外假虛心應物湛澄淵世故驚
人亂飄瓦神遊八極太初鄰黃葉巖前秋雨打

送謝永隆州判之龍州

李時勉

朔風送客都城外把酒離情翻慷慨細雨華筵並馬嘶長

永豐縣志

卷三十八

七言古

二十四

河曉日孤帆待聞昔詩從松下哦滿城桃李春風和天官
考績聲稱最金闕承恩雨露多祇今佐郡獨南去握手不
忍向歧路鳳臺別思醉邊題桂嶺行旌雪中度吏民拜迓
下車初遠徼從知足令譽客舍相思對明月鴻雁聲中望
寄書

題清風書館

陳衡

前人讀書曾築臺清風窗戶無塵埃後人讀書葺華館依
舊灑灑清風來書臺書館同此地後人心與前人契紙帳
清時醉夢醒墨池動處波紋細孤燈爍爍清夜長坐聞絃
誦聲琅琅九天灑氣入毛髮八窗靈籟含宮商研經談史
造高妙丈夫豈可輕年少乘風遠上蓬萊宮侍讀金門許

同調

送蕪湖貳尹謝永隆考績

周忱

蕪湖縣北曉張宴急管嬌縣雜離怨滿座賓僚不忍分四
郊父老俱留戀中間行者知爲誰文章貳尹才且奇清如
沙頭白鷺羽勁若石上青松枝自來佐縣今十載百里桑
麻春藹藹但覺胥徒不到村甯知明府恩如海此時述職
趨南京陞遷有待承恩榮攀轅欲挽不可住把酒無奈陽
關情江流遠接龍河樹舉目片帆孤艇去遙憶明朝覲九
重長樂鐘聲月初曙

送翰林侍講曾子棨扈從北京

周忱

紫陌雞鳴天欲曙鈞天一派簫韶度六龍霄漢應時巡兩

永豐縣志

卷三十八

七言古

二十五

制詞臣從鑾輅武城公子才且賢甲科四海知名譽自從
折桂蟾宮來久掌絲綸玉堂署茲晨載筆出金門天閑給
賜蒼驄去攬轡咸看侍從榮持杯不復傷離緒江城雨洗
青黛山輦路鶯啼綠楊樹旌旆高懸五色雲戈戟遙連兩
京路劍佩追隨綵仗前傳宣屢得重瞳顧錦袖香飄視草
時行營日照承恩處知君文學勝班揚愛君事業如房杜
製作多鳴盛世音岱宗早獻東封賦

贈魏侍御巡嶺南

鄒瑾

三十一年秋經遊大梁地一見爾愚兄相看各垂淚爲言
有姊已早亡姊夫遠戍居莊浪間關辛苦毛髮蒼眼前兒
女俱成行今年中秋月華白我自湖湘覲京國白下橋邊

一見君驄馬繡衣好顏色君爲御史峩豸冠我亦待罪居
臺端五更楓陛湛露溼三秋柏府飛霜寒鳴珂日日金門
裏君沐恩光我心喜分巡又作海南行遙望瓊儋幾千里
瓊儋路遠慎勿辭男子有志當遇時遐方遠域化未洽饑
寒困苦皆民瘼四野縱橫有豺虎願將禮義爲干櫓掃除
妖氛見法星洗盡蠻煙降甘雨秉心平直天應知忠烈凜
凜終不移古人事業端可期要使治化成雍熙吁嗟漢廷
老廉吏埋輪攬轡將奚爲

夜中觀梅

戴養浩

朔風捲地吹雲黑寒冰曉裂南山石擁裘獨坐守寒更書
窗一夜梅花白水邊林下屢見君朝日清霜無此色崑崙
永豐縣志
卷三十八 七言古 二十六
明月照黃昏濁水摩尼炯如璧乃知觀白宜守元姒趣奇
聞在今夕篝燈沽酒滅復明磊落太虛超古昔明朝吟笑
此花間何用穿雲溼苔屐

扈駕北征應制

曾 棨

寒雲慘淡邊城黑殺氣憑陵在東北天兵帶甲八十萬千
里長驅如霹靂平明下詔親出征二月龍輿發北京東風
關塞旌旗影落日沙場鼙鼓聲知君文采金閨彥扈從恩
榮總堪羨龍泉寶帶黑貂裘虎帳雕弓白羽箭帳前獻俘
報捷歸帳中草檄筆若飛狼烟乍起雪載路羌笛橫吹霜
滿衣妖星夜墮氣蕭索席卷穹廬空大漠橫行絕域拓封
疆直過窮荒收部落歸來意氣擅才雄凱歌先進明光宮

豈知折衝在帷幄世上空聞衛霍功

題壺中趣

鍾復

我聞壺公自是壺中仙壺中之樂真悠然縣壺賣藥向城市投壺別有壺中天偉矣費長房神清有仙骨暮見壺公藏曉見壺公出乃知壺公謫降非凡流仙訣便向壺中求隨公一躍入壺去玲瓏樓閣何幽幽壺公一去不可作至今人慕壺中樂壺中之樂樂何如不用浮名與高爵李君醫術人所無寸心亦似冰玉壺平生用藥有神效飄然亦似壺公徒壺公之名千載垂壺中之趣君能知願言不覆亦不敲一輪明月澄光輝

梅澗歌

鍾復

永豐縣志

卷三十八

七言古

二十七

二十七

西頭澗水聲泠泠四時彷彿絲桐鳴閒來洗耳一坐聽消磨萬慮心自甯澗邊老樹縱復橫犀枝鐵幹堅且貞寒窗午夜孤月明交加鶴膝森奇形澗流滔滔長不停疎影橫斜深淺情幽香細拂衣袖輕龍涎雞舌空有名不須更問姑射精不須更結逋仙盟東皇已遣魁羣英調和鼎鼎應有成

送修撰鍾復省親

劉球

春郊雨晴春滿路詞客還家行不住木蘭舟傍潞河開錦衣遙向歐鄉去歐鄉在昔有名賢勳業文章照簡編自非慈母三遷教那得風流萬古傳君今讀書踐華要亦念慈闈恩最厚榮封往歲誥曾頒歸省今辰書再奏酒香春甕

鯉魚肥承歡正及到家時喬木濃深村巷色繁花多發階
前枝彤樓紫閣彩雲起歸署行裝須早理忠主愛親同一
心請君學取歐陽子

贈羅東墅

陳獻章

紫髯老人臥東墅大旒山中石爲伍六月清風扇炎暑喚
醒羲皇枕邊語仰視雲霄鳳高翥肯與烏鳶爭腐鼠水心
滄州吾祖武富貴浮雲何足數

贈黃瑞軒孝廉赴京

朱縉

螺川站前新水生送君遠赴神京行神京巍煥九天上觀
光多士皆俊英承恩入覲鵬行肅竝看標名上除目一朝
冠珮出龍灣萬里風雲隨驥足孝廉昔出東漢賢叔度文
強今少年昇平海宇洽文治報國榮親期兩全

永豐縣志

卷三十八

七言古

二十八

二十八

題學書軒

劉素

鳳凰臺上吹簫客蘭桂軒中獨眉白綵衣歌舞有餘閒健
筆長臨右軍側楷書行草俱有成張顛懷素疑爭衡銀鈎
鐵畫精神動虎躍虬騰心眼驚阿翁季父心奇崛一門直
可誇三絕屋頭題水飛墨雲檻前柿葉堆霜月中山取盡
新兔毫洛陽紙價從今高承恩有待歸榮宮錦袍來看獨
步書法超俊髦

程九翀先生令江山清操苦節民方歌舞而中
被讒

曾黃門心蕊誦其政於朝朝之人無不寃之歸而

課子明農可挽末世偷俗予喜而爲之贈

鄒元標

歸來莫厭貧貧乃士之常茅屋春風下齒頰有餘芳君不見東鄰之子珠千斛西鄰之子錦千箱乾坤轉眼成滄桑
千古人傳趙閱道一琴一鶴夜焚香

送劉恕出使占城

劉定之

昔年余弟持使旌南浮炎海如占城歸來示我乘槎錄使我讀之心頻驚身飄天外無畔岸東烏西兔浴汗漫夜瞻星斗識所往一日千里如飛翰其王與臣皆可愕跨象擒犀以爲樂珠琲絡體半裸露鋒刃在手誇獰惡海波宵瞰俱有光山蚤晝出多無裳那堪教禮學周孔但俾感德歸虞唐君今繼往宣上德好作續錄更詳悉他時我作聖朝

永豐縣志

卷三十八

七言古

二十九

史南蠻列傳足考質

五馬行春詞呈李郡伯

戴斗南

洪鈞一氣何磅礴人間光霽回寥索天王體化君萬邦品物熙熙民綽綽山川鬼神靡不甯鳥獸魚鼈亦咸若守牧承流宣聖功仁恩被處春生腳高牙晝擁碧油幢花驄曉鞚青絲絡煌煌旌節駐郊原烈烈英聲振林壑和如羲仲馭蒼龍融融六合羣陰漠容光蔀屋咸照灼豪如邵子鞭風霆礮落空中架樓閣八風順候宣咸樂但聞彰善無瘡惡月明樓戍閑宵柝虎不妄噬鷲不攫四民鼓舞歌假樂鳴呼螺水深無窮螺山高匪極我侯樹高風千古振吾吉

送聶雙江先生華亭奏最

周于德

君侯自是人中龍，牛刀初試吳之東。三年勤勵新厥政，一掃塵腐歸虛空。晝看槐樹根落，寞夜聽更鼓聲。龍銅初秋雨過，暑氣雪畫，舩高載江東。月行行直上九重天，敬將勲績敷丹闕。天雖最高聽，自卑秉心忠。赤天應知，況有銓曹公議在課居上考。夫何疑整頓登朝袖中物，青袍白簡風霜烈。

前題

金廷桂

君侯薑桂性，况此綺縠材。九齡自難得，歐陽何處來。文章政事兩奇絕，冰壺月色胸襟開。昔年教我義，朱蔡久而薰炙情。陳雷慙予瑣瑣井中鮒，長年家食猶蒿萊。黽勉自許，當不負驥尾攀附。惟艱哉吁嗟驥兮，且千里青雲騰踏殊。永豐縣志

卷三十八

七言古

三十

未已聖朝隆德，追重華側席。思賢方亶亶，禁屏名字照重瞳。嘉績今看慰，當之送公不盡相。期情行倚蓬窗賦秋水國朝

贈程天修先生

魏繼標

水南林下一老叟，鶴髮童顏浩氣赳。家臨流水通三徑，門對青山栽五柳。身被緇服學長生，腹藏珠璣傾二酉。眼前認得主人翁，不用鐵鞋天下走。溫養形聲一碗粥，笑傲乾坤幾杯酒。天邊雲雨任龍飛，夜半風雷生虎吼。推卻飢寒慾不生，渾忘爾我怨何有。我今造廬承偉論，座上風生動星斗。聊贈拙篇供一噓，願結嚶鳴世外友。

讀歐陽文忠集用公紫石屏韻

李紱

天地精華日流轉始盛於北終趨南周公雅化布漢廣屈
平騷頌鳴江潭如星五緯自炯炯如山五嶽常巖巖西江
風雅有宗派淵源直溯柴桑潛於詩既昌文未暢十得五
六遺四三平生寶愛六一集肩鑰什襲重錦緘臺閣之體
薦郊廟名山之業藏雲巖鴻篇短製一展讀以古爲鑑光
出匳當世手定五十卷刊落灌莽留松杉李詩韓筆兩奇
絕惟公奇特才能兼朝吟夕諷口流沫不知赤日迴晴簷
起衰豈屬異人任賞奇要共同心譚吾鄉風氣喜日上一
時豪俊相研探庶幾中興及先服直追大雅排浮纖萬君
文筆最峭拔法如荆國何森嚴梁生魁壘擬子固兩馮駿
逸追由瞻惟余澀僻學原父偃蹇不入公鑪鉗漫憑吹萬

永豐縣志

卷三十八

七言古

三十一

發天籟不知元氣能包含只今文柄久旁落楚圍先晉戎
伐凡公文一讀每三嘆何人後死甯無慙敦盤共約續前
烈方心可鑿肝可劓京華長晝有餘暇罔俾專美徒鳴謙

菊花石

陳材

中沙流水清如碧千年地上一片石石面斑斑菊花形一
半淡黃一半白吾爲屈指百有餘何物生來許光澤乃知
造物吐英華非是人間假借得風雨飛來愈精神三百六
旬長不易幽人君子各爭妍顧盼摩挲情脈脈天生奇物
非容易不置廟廊遺路陌車載斗量不足數紅雲紫霧終
須滅何如此物爲寶貴不愁榮華易損色岐陽石鼓傳周
代至今千載留典冊吾知此石出塵埃終傍星辰爭月魄

題湯斷村侶漁觀蟹圖

謝鳴盛

東湖湖中荷花綠我立湖頭挹清穆折荷歸來插瓦瓶取
酒欲作荷花曲握管未下仰頭思突然一圖懸我屋放筆
袖手細觀數圖上之人坐不語倚石斜聽漁父歌冷眼時
觀巨蟹舞橫行意氣誰克當抉泥噴沙勢莫禦我時沖沖
怒不平擊案大呼進一觥蟹乎蟹乎不可行眼前兀兀秋
風高鯉魚翻飛乘波濤冷眼觀者何其豪一歌一酌領我
壺醉來不記荷花曲縱筆且題觀蟹圖

古樟歌示程金二子

羅炳曦

姚氏祠前有古樟柯葉盤鬱發青蒼一榦矗起千雲表一
榦走入地中央伏地蹶然從地出連亘如虹勢益張根株

永豐縣志

卷三十八

七言古

三十二

乍展榦又生骨節綿綿魄力長高下參差悉森挺道旁過
客遙相望我見此樹深惆悵謂其合抱輪困殊形怪態曾
歷人世幾星霜臃腫不中棟樑選因之免受斧斤殃從此
落落寞寞誰過問始得偃蹇縱橫保此堅貞光上承半天
之風露下作靈蛟之窟藏此中定有高人相頡頏恨不我
見兮殊徬徨爲詢程金應知何代物疑是趙宋與李唐唐
宋至今千百載傳聞異詞終渺茫嗟嗟名花珍榦世所寶
旦暮徒遭夭折傷何如此物真神異無憂戕賊永且臧愧
無大手筆寫以董王之圖畫誌以蘇柳之文章祇今漫爲
作此歌聊紀所見所遇非尋常樟兮樟兮其有知慎毋誚
余老更狂

金隨邁新成藤署犀玉堂席間賦

張瓊英

道州漫叟清且閒酒徒歷歷杯湖間蘇州左司簡而靜池
閣畫戟清香凝達者入荒吾室廬掃門傴僂胡爲乎卽看
息肩得爽塏舊卜詎必非新圖藤田齋舍歲久圯雨簷風
牖疇補苴蝸緣訟庭蔓纏幕水鳴瀼瀼循堦除隨邁卧理
豐暇豫顧此移琴空嗟吁清獻俸廉鶴長瘦山陰人悅錢
自輸鳩工葺具葺事速坳堂犀玉連棟桴誰言市宅須問
屨此亦江村仍讀書隨邁有江村讀書圖琳瑯萬架貯珍重手種深
柳窗翳如落成長夏暑消沼披豁高軒捲簾眺大瓠寶華
空翠撲龍門蛟水波光遶石峯萬笏奇插雲沙洲烟樹青
未丁川原圖畫曖斜照芄芃麥禾有秋早牛背人吹短笛

永豐縣志

卷三十八

七言古

三十三

閒隴頭雉飯落花飽相逢瀧水農丈人

顧醉樵自謂農丈人

爲話風

物江南好宦遊經年思故鄉此地坐對散愁抱三語作掾
曹事少五字濡毫酒酣掃列筵岸幘盛賓客張子舉觶善
頌禱公不飲將待誰紛紛連雲甲第能幾時丈夫偉軀幹
古色蒼鬚眉安得東山綠野早自爲天下寒士卧牛衣千
間廣廈當庇之不然買山乞微祿乍可巢蟪誰覆鹿身兼
吏隱形不役屋少逃亡邑多福窮廬盡日嘯歌趣亦足願
公江海爲酒腸郎官峴首消悲涼

答隨邁書時將赴縣齋卽以道別

張瓊英

昔者我登恩江橋龍門蛟口東奔濤古人滾滾不可見日
斜寒木風蕭颺瓣香靈祠訪遺蹟一峯青峭瀧江高

羅文毅公

居一峯祠在邑
六一公祠亦在邑

風流銷歇此誰繼
倉花獨立心忉忉
是時蘭成年射策
虹光劍氣凌霄竭
來南北歲徂邁
河魚三避風雷燒
敝裘破帽苦辛客
寶鞍雕幃年少豪
舊盟車笠幾人在
飛蓬落葉隨霜颿
鄉園情話且粗述
親知一二攜村醪
自餘田舍麥幾斛
鸞笑鴟嚇焚喧呶
千金誰買鳳凰子
毛羽不理鳴啁樵
飢齧嗅案蠹穿簡
雨窗兩弟吟箠
箴老親一飽尙奔走
笑頭妻子眞間曹
書生瘦骨例崛强
久對殘客頭酸瘡
眼中突兀得二老
後有隨邁先醉樵
生長宦遊並同地
如驂從靳揚連鑣
瀧南地僻屐兩至
藤齋咫尺頻招要
蓮社之詩草堂酒
形骸脫畧追神交
冷官杖錢亦易盡
先生笥腹仍長枵
濟陽夫子賢好士
謂丁少府素

永豐縣志

卷三十八

七言古

三十四

絲束錦來江皋顧
慙十載北文戰于思
棄甲疇善敝襪被
捲囊無長物檢勘塵
帙題籤標艱難知遇
百堪感短燭照影吟
中宵三月初三古修
禊小橋流水桃花飄
蘭亭繭紙搨本壞茆
簷殘溜春瀟瀟敲門
破寂得尺素愛此何
啻雙瓊瑤甘苦之間
味儘耐病貧無別言
非嘲來書中語
意云云 老生談笑擅名趣
爪對那敢矜文鷁離
堂琴瑟昨咸別碧溪
垂柳焚櫛慘此行根
觸當年思又向江瀧
咏寂寥

縣齋長夏述興

張瓊英

人生中歲如長夏
物態紛蕃並訛化
當午鋤禾事差苦
息簷把酒情稍暇
鶴舫平居嬾筋力
兔園冊本拋田舍
屨滕百里尙桑梓
晨夕幾輩非紈袴
恩江煙水忘炎天
灌嶺雲

峯對中座蠅塵近塵須亟揮書帶交襟休忽唾翳苔石徑
日蒙密夾竹桃花亦嬌姹池蝶翩翩拍翅飛窗珠細鎖搖
絲下高篷碧瓦雨聲颯深院綠天蕉葉大絹囊茗葑斜破
封繩牀滕紙新出研清涼談笑得良朋爛漫篇章足新課
長爲老親菽水謀重知廉吏冰壺瀉去年賓雁共枝棲今
夕聯牀仍館假薰蘭喜免隨猶伍鴈雛那解爭鴟嚇逍遙
伫月一張琴披豁當風三幅屺薄暮時時獨卧閒疎蟬寂
寂同吟罷

同鹿春如太守澤長登鍾秀峯有賦 郭儀霄

君不見文翁按部稅桑田千家夾道聲懽闐蕭然琴鶴減
僕從關心疾苦咨民艱花間繫馬訪幽子草堂何分過高

永豐縣志

卷

三十八

七言古

三十五

軒尊酒情懷厚不薄卻嗤鷄黍供盤餐朝來洗眼望雲壑
四山簇簇羅兒孫村心一笏更奇絕拔地突兀當空蹲石
骨玲瓏透巖洞出沒疑有雲中仙登臨長嘯萬壑響俯視
煙火皴魚鱗梅花焚焚落晴霰麥子翦翦抽青痕霜風吹
空冷詩骨珠王咳唾飛九天太守治平渥膏澤黍稌蓬或
多豐年天下有公殊可賀綽有實政宜民人忽憶瑯琊印
鴻爪觀海欲上之罍山福山先生劇風雅袖中東海翻文
瀾山家石砦何足數縱目乃復勞登攀江山自賴聞人著
不經品陟終笑頑此峯屹立幾千載絕少依附空岫嶙鎮
重肯邀俗眼顧飛來未辱長房鞭風塵何冀得真賞山靈
含笑應開顏父老再拜乞椽等茲遊豈可無佳篇嘉名肇

錫勒鍾秀摩厓大字驚龍蟠樹人樹木仗蒸育蔚興指望
蕃英賢峴山叔子殺風景俯仰何事長嗟歎我公合與石
峯壽留取佳話資流傳碑亭松柏足高蔭萬古常作甘棠
看

鍾秀峯紀遊詩

王贈芳

吾吉靈鍾稱永豐昔年猶見鶴舫翁美秀能文起東松詹
巖遠繼曾羅蹤詩名光數羽可工誦芬堂集揚宗風如聽
古樂驚羣矇出入李杜誰與同我爲之序庭撞鐘手掌絲
綸 清禁中將母歸去扶吟筇太守按部臨蒿蓬其年丁
酉其時冬竹馬爭迎有兒童英髦夾道樂融融乘興層山
訪林宗山石當門何玲瓏拔地削出青芙蓉小山拱衛大

永豐縣志

卷三十八

七言古

三十六

山宮人煙千百環西東巖前挂月光熊熊石樓高嵌石腹
空小洞天巧非人功太守登臨盪心胸大筆親題鍾秀峯
我聞太守今黃龔甘棠處處嘉樹封况復作記寫青濛萋
葦秀發咏梧桐詩人所居秀所鍾名山炳靈千載逢待我
他年得歸農捫蘿攀葛相追從襪被託君廡下春摩厓歌
嘯山重重山靈應改舊時容流連勝蹟桑梓恭

求志書院落成長歌示諸生

馮詢

隱居居士今無名寺旁崇元觀亦傾終知釋道讓儒學寺
觀寂寞堂崢嶸當年講學者誰子曰聶鄒錢三先生先生
願學孔子父弟子卻事王陽明陽明學本接孔孟良知獨
闢言精醕拘儒誤會謂禪寂真學錯解騰譏評請將事績

觀史冊美諡赫赫書文成千秋業已在宇宙三子身幸遊
門庭聶能淡災奠巨寇鄒也幕府參論兵緒山侃侃抗大
獄是皆實跡非虛聲吁嗟有明社黨事論說無謂門戶爭
誰歟所學若三子實能坐言能起行昔聞訪道借古觀聶
爲地主鄒錢朋轉思坐論九華洞此事直與文成并邇來
古蹟久漸廢是邦文獻猶足微亟召諸生復大業遂構梁
棟除榛荆因茲隱居傍寺院卽以求志名堂楹隱居求志
乃孔語以問先生良或應要知道統重作述豈但堂祀留
香馨忽聞諸生更有請謂宜崇祀羅羣英我嘉後起意倦
倦仁見日上才蒸蒸我仕未優敢論學欲借道味澆塵腥
諸生且退我獨坐虛堂兀兀神冥冥

永豐縣志

卷三十八

七言古

三十七

羅孝子詩

馮詢

身從何來父母天地俯仰百年幾人無愧孝經煌煌讀聖
賢書所學何事解一事死事生難弟難兄曷敢以厥父委厥
弟念母兮荒煙宿草猿啼鶴唳誰爲伴者而母不驚解二一
廬孤立六載不易荆棘戕孝子身風霜鍊孝子骨孝子乃
暮守母朝省父至父亦沒而孝子之心尤戚解三孝子死矣
孝德彰聞廬墓初蛇狺雷擊蛇鵠欣欣匪蛇之能毒天
將顯孝子之德之純解四請於

朝廷表閭里此事譁傳遍恩水云是先賢好孫子廬中讀禮

守故紙

聞廬墓時常手執羅

雙親終百行始一峯先生爲

不死

解五

宋義婦詩

馮詢

泉下有夫堂上有姑膝前有孤煢煢一身仰事俯蓄婦焉

可無解一姑死矣孤死矣婦若並死夫已矣夫不死賴婦不

死明大義宋蕭氏解二既克體姑心又足暝夫目繼述之善

難盡錄錄其大者可以勵風俗指魯肅困捐義倉穀二千石築杜

陵屋建合邑賓興試館於省垣憤弱質不能勤王學卜式輸粟捐海疆軍需一

萬千緡我來觀風表孝表忠奉慈訓婦姑遺囑廣行義事得軍功

事擴而推我更為婦進一詞解五詞若何是國帑豐邑百千

萬戶富者易急公貧者不能無所仰盍助諸鄰里鄉黨解六

我詞傳出婦曰然為最疲戶納官錢計代完錢糧二千金窮民不知

永豐縣志

卷三十八

七言古

三十八

婦德但道今年催科不到門解七黃金十萬豈輕擲要對先

人地下無慚色賢而多財易損德此意或者婦能識解八

與同人應鄉試乘舟過新開坎有以智者樂水請予

屬對者予舉太元經君子用船句諸君稱其工切遂

更請予續綴成詩一首

徐湘潭

智者樂水君子用船與山曲折相為延緣延緣兮宛轉瀾

輕兮風緩昨日到古縣今晨過新坎新坎石多波忽興銀

翻珠湧聲砰礮水霧山煙騰滃滃其下似有洪爐蒸舟師

把篙手足顫灘急水疾等飛電石隙僅容小牒過尺寸較

巧爭一線邪許聲多羣助威舷蹴飛濤當面濺陰壑疑起

蛟龍驚漩渦急攪鳧鷺亂百年前是石橫江客行到此皆

藝文志

五言律

宋

秋懷

歐陽修

節物豈不好秋懷何黯然西風酒旗市細雨菊花天感事
悲雙鬢包羞食萬錢鹿車終自駕歸去潁東田

元

辛巳夜坐有感

劉鶚

團團月當戶蕭蕭風滿林夜寒鄉夢遠霜重漏聲沈孝子
終身淚忠臣到死心承平春似海豈料有而今

至正庚寅臘月桃花盛開

劉鶚

永豐縣志

卷三十八

三十八

五言律

三十九

梅花猶在樹桃蕊已盈枝嶺外驚春早江南得暖遲好風
吹錦繡細雨溼胭脂前度劉郎老無心爲賦詩

早發陽城疾赴軍壘風雪失路因紀其苦

劉鶚

虛名不直死何事苦紛紛曠野惟空壘長途只斷雲日斜
心更恐風急耳多聞未用輕衰颯狂歌一張軍

寄題永豐劉氏暖翠樓

揭傒斯

孤亭萬竹中危坐自生風近與山光合遙連野氣通鳥啼
深不見泉響靜偏聰束帛休相浼先生道未窮

明

贈長吾劉先生之任廣西僉憲

鄒緝

科甲成名日才華正妙年又持憲府節遠指嶺南天
驄馬凌寒雪飛旌逐瘴煙青春行部好帷蓋想應騫

送劉公潛出守漢州

楊榮

鬱林南去路嶺海正迢迢水驛冰猶合都門雪未消
文翁興學校叔度著民謠此去多佳政方期洽聖朝

送江仲隆紀善回鄉

楊榮

久宦西川道還家尙黑頭江山猶故色松竹幾清秋
印已辭陶令瓢仍聒許由白雲今日甯青史後人留

贈李春出守漳州

楊溥

文雅皇華使溫醕粉署郎一麾臨海郡五馬過豐陽
尊俎親朋會衣冠雨露香行看宣聖化國史紀循良

永豐縣志

卷三十八

五言律

四十

陽峯精舍睡起

習韶

松上幾枝雨鄰家初日晴披衣聞鳥語開戶見雲行
世短憐余老詩清怯眾評野人倦樵牧頻報蕨薇生

贈鄧景鶚省親

高連

北關曙霞明雞聲促去程膝前諸弟在江右片帆輕
遠別黃金驥嬌歌綠酒傾到家秋正早懽慰倚門迎

佛嶺

羅倫

敵騎中原盛人心未死何降王納款日義士揮天戈
鞏信支東固文山節五坡君看草木氣猶自壯山河
秦賈先亡日文山可奈何自憐天下詔難奮魯陽戈
生死勤三后忠誠動五坡高風不可見名落舊山河

飛塵特地起孤憤奈天何翠玉樓前淚黃雲塞下戈二龍
爭北野孤鶴夢東坡卻憶樊籠外乘槎欲泛河

教授巖

羅倫

金身不可斷鐵心應易酸風吹浮雲去吾與南山安額額
蒼天在蕭蕭白日寒橫流當砥柱迴卻黃河乾

光霽巖次容彥昭

羅倫

太極開天府清虛此一堂幾迴桑海變不及廣寒香萬象
懸金谷羣仙醉玉牀蓬壺深咫尺生被碧山囊

上楓山先生幽居

劉翀

蓬廬帶荒廓瀟灑入煙林園有橐駝樹囊無陸賈金白雲
不改色流水自成音我有高樓興因君感素心

永豐縣志

卷三十八

五言律

四十一

九日登凌空閣限杜韻三首

聶豹

久貯登高興今朝始盡歡厓懸天畔閣人坐斗中寒未可
辭沈醉焉能免脫冠黃花期不負百歲幾回看
自有登臨勝何勞更築臺此山當邑望茲閣傍雲開肯負
尋幽興還期載酒來浮生惟有醉莫待菊花催
高會人能幾浮生大劇微合歡原不偶得醉可忘歸細菊
餐朝露酡顏映夕暉側身臨北極雲卧愧朝衣

凌空閣三首

縹緲懸厓閣秋風勢欲危雲霞侵座冷星漢近牀移祇有
神仙侶還同猿鶴嬉未須論辟穀芝菊自充糜
予有山水癖探幽愜所期九天澄爽氣百里著遊絲石裂

雷長奮山陰霧作帷老來貪便逸敢謂世相違

勝景千年祕幽棲豈偶逢攢厓蹲虎豹懸瀑舞蛟龍語接
神霄近羣超人世中涼生衣袂薄六月灑秋風

舟中望巖山

被逮作

聶豹

卜築渾因爾依棲舊結楹豈知商隱地翻速楚囚行亭閣
巖煙暝琴書洞月晴山靈須祕護莫負歲寒盟

贈蕭醫官民壽歸

聶豹

念爾來何自憂予老病狂愛山情暫輟采藥意偏長人傍
雲霄去身霑雨露香柴桑如問訊短髮盡成霜

和聶太保甘露降於先塋之作

宋儀望

早傳甘露降霑滿大夫塋滴掌疑分釀縈條似雜英按圖

永豐縣志

卷三十八

五言律

四十二

稱瑞應入鼎看丹成不覩皇穹意焉知純孝情

久辭樞府貴偃息傍先塋忽睹金莖露紛含玉樹英如飴
香可啜似液釀初成願以華封祝還參造化情

過空坑有懷文山先生

宋儀望

爲憶空坑戰深悲吾道窮孤危扶社稷萬死答皇穹流水
聲仍咽荒原恨未終夜深同父老掩袂話高風

郊居雜興寄懷陳二奉常四首

宋儀望

一從歸社後耕稼事東郊避地翻疑僻逢人爲解嘲編籬
朝插槿乘屋晝于茅懶比嵇康甚何心著絕交
自得邱園趣東風吹遠郊驪黃人莫辨元白客從嘲遠市
常辭肉爲廬半結茅懷人空竝立黃鳥日交交

余生不自解，去住愛江郊。
把釣從吾好，移家避俗嘲。
養生朝洗鶴，課僕日誅茅。
獨愧雲霄侶，題書念舊交。
自枉軒車過，終年廢出郊。
久志朝省貴，那免世人嘲。
微力隨黃鵠，多憂藉白茅。
知君重然諾，不負晏平交。

遊河圍謁羅武岡公祠

陳英策

故事標青史，新祠竦翠微。
竹風清爽籟，花露滴晴暉。
今古有忠佞，江山無是非。
英靈耿如在，化鶴定來歸。

國朝

得文信國羅文毅鄒忠介三先生真跡喜成一律

李元鼎

偶集先賢跡，淋漓發古香。
慨然思異代，況乃盡同鄉。
字挾

永豐縣志

卷三十八

五言律

四十三

風霜氣人爭，日月光茲遊。
殊不負世世，付珍藏。

大仙巖

又名福德巖

陳學海

幽洞開山際，江流暗有聲。
亂峯頭上落，絕壁面前迎。
徑險垂危磴，巖空敞石枰。
祈年多在此，福德故由名。

送家兄讓木南歸

解友梓

祖帳燕臺下，兼程不暫停。
江潮雲外白，園菽露中青。
有夢連春草，分飛賦鵲鶯。
老親穿望眼，鬢髮已星星。

過空坑

陳材

將餘南粵後，擊賊走空坑。
世事萬難處，孤忠百折情。
龍蛇猶作陣，草木實能兵。
自有鬼神護，至今古道橫。

題徐南聳翁書院示令孫秋白

廖道稷

揚子談經宅超然遠俗塵庭依山作障屋傍水爲鄰鳥語
絲絃和花香筆楮新還看池裏物新浪鼓金鱗

夜飲南聳翁書院賦謝令孫秋白

遶屋鬱嵯峨穿厓響碧波春風披絳帳夜月挂松蘿興到
千杯少更深萬籟多清談忘世味何異坐雲窩

壬午春日豐樂軒卽席口占書呈蘭鄰陳明府

王廷偉

江城圖畫裏烟樹萬人家雨潤千村麥風清一縣花文章
冰結淨品望玉無瑕豐樂軒高爽春光逗碧紗

棣園春興六首

張瓊英

僻巷稀還往逢春可自宜登堂松釀熟愛日草心知柳絮

永豐縣志

卷三十八

五言律

四十四

吟憐妹桃花笑醜兒銜泥舊巢燕曾否厭樓卑

兄弟三人瘦田園數畝荒庾家移講樹曹氏假書倉露草
侵窗翠風花落帙香不須鄰二仲喧寂此皆忘

蹇襟足幽攬風物畫圖間及此春將暮相逢我亦閒花明
赤嶺塢柳暗碧溪灣昨約高人至看雲不出山

不拒春風意欣欣步履隨客稀金埒馬奚索錦囊詩綠野
桑千畝黃牛雨一犁太平豐報賽簫鼓夕陽祠

扶筇尋別圃芟徑采香蕪屋樹喧鳩婦欄花豔鼠姑野人
山下飯樵客雨中呼自笑青袍舊村村賸酒逋

和神淹晝永香篆裊簾閒洗藥碧流水聞鐘紅樹山十年
烟月路一夢有無間慰此鄉園思仙源學駐顏

思親時館
縣齋

張瓊英

百里米應負三秋兒未歸西風吹捲幙昨夜夢牽衣悄悄
來書信頻頻問瘠肥何因得馨潔朝夕眷庭幃

輦林道中

張瓊英

綫縷輦林徑嶽崎欲度難石留磨跡古雲逼筍輿寒落照
杉楓立高秋鶴鶴盤客心懸去住澗道滿風湍

步遣

張瓊英

日夕遠天靜春陰半笠寒石懸泉溜急林滴雨聲殘樵谷
鳥爲戍農家花不爛幽幽吾憩久片月淡烟巒

過南村懷明大理寺卿宋望之先生 徐湘潭

宋公舊池館薦瑟此南邨海子餘窪渚亭橋倚壞垣綠章

永豐縣志

卷三十八

五言律

四十五

私誼滅青史至公存往哲今難覲余懷向孰論

過上固弔劉中瀧先生

徐湘潭

賢裔今何往孤邨弔渺茫情同胡質概里比鄭公鄉墨寶
憑誰訪芳華惜早傷素交有吳季身後並荒涼

過新開坎

徐湘潭

對厓雙嶂聳七曲萬湍洪風水神城挾雲雷地戶通晴天
常滄霧飛艇似浮空夜半潮聲遠猶疑鼉吼雄

題金華山文昌閣

馮詢

碌碌來塵吏英英侍譽髦路迴孤閣迴天縱一峯高風力
扶搖上文心結構牢悠然聽絃誦山水樂甄陶

藝文志

七言律

宋

寄題沙溪寶錫院

歐陽修

爲愛江西物物佳，作詩嘗向北人誇。
青林霜日換楓葉，白水秋風吹稻花。
釀酒烹鷄留醉客，鳴機織苧徧山家。
野僧獨得無生樂，終日焚香坐結跏。

題劉氏凝碧亭

董儀

十里回塘揭短葭，榜題凝碧掛簷楹。
山光潑墨當軒冷，波影拖藍照座清。
傍砌竹竿春玉瘦，近郊禾稼暮雲平。
知君占得愚溪景，還許高人共濯纓。

永豐縣志

卷三十八

七言律

四十六

前題

董儉

層構方塘照碧深，四軒風物快登臨。
綠波泛草酒春色，畫棟飛雲結暮陰。
簷撲嵐光山對列，岸圍清影竹交侵。
主人好客時延覽，繒縷霜鱗酒酌金。

前題

董倚

碧沼凝輝燭檻前，映簾楊柳鬱青煙。
荷翻菡萏金相照，竹聳琅玕玉奪鮮。
野水盈盈春草滿，遙山隱隱暮雲連。
宦遊未暇登臨去，懷想清幽賦一篇。

前題

董師道

廻塘數畝碧漪瀾，堂上幽軒縱雅觀。
蒼莽暮雲蒸礎潤，深沈春水濺簾寒。
窗間細藻遊鱗躍，堤畔新蘆浴鷺歡。
對景

凭闌好風至綠楊垂岸竹千竿

題曾君輝媚亭

董 儻

玉輝珠媚照巖隈亭勢軒軒景四來雲截山腰虹吐氣月
澄波影蚌含胎凌空夏木陰垂蓋徹底清潭綠染苔強賦
小詩留勝概登臨費盡楚人材

宿香巖寺遇超老

董祕丞

藍輿乘興訪香巖覽勝搜奇屬未厭山色帶煙長遶寺泉
聲疑雨不離簷化緇客至開塵眼擁衲僧閒長雪髯默叩
禪扉悟真理他年終此卜幽潛

靜安堂

董德元

寅宣詔旨恤民編化及潢池總力田但見深邨如安堵須

永豐縣志

卷

三十八

七言律

四十七

知善政若烹鮮淮陽汲黯分符日齊國曹參作相年白叟
黃童咸抵掌邇來贏得日高眠

贈羅椿下第歸永豐

楊萬里

梅苔香中踏雪來杏花影裏帶春回明朝解纜還千里此
日看花更一杯誰道文章太驚俗何緣場屋不遺才南溪
鷗鷺如相問爲說春吟費麝煤

柬楊誠齋承召不赴

羅 椿

不悲風月只憂時髮爲君王寸寸絲司馬要爲元祐宰西
樞政坐壽皇知苦辭君命驚凡子清對梅花更有誰夢遶
師門殷繾綣起敲冰硯訴相思

元日復劉博士

王總孚

列炬煌煌散宿鴉屠蘇飲罷岸烏紗老來漸與世情淡醒
後方知酒量差爆竹不驚殘曉夢玉梅猶是隔年花吟來
試筆題新壁墨雨淋漓字腳斜

寄秋江劉隱君

王和中

雲物淒涼草樹衰客懷鄉思兩依依江湖歲月淹書劍天
地風霜老布衣千里興來鱸膾美兩年音斷雁行稀何由
得似蓉江侶風月終身一釣磯

元

壽劉桂林翁百一歲

宋本誠

閱遍滄溟委逝波坊門交午鬱嵯峨七磯老子聯芳久皇
慶君王賜帛多未肯蹒跚策鳩杖可能矍鑠臥鷄窠漢家

永豐縣志

卷三十八

七言律

四十八

四十八

德化今成就老桂吹香鼓缶歌

百年瞬目事如雲會向干戈脫此身過客要聽前代語元
孫同作太平人秋風孤雁消沈盡塵世飛蚊起滅頻宴雅
堂中他日到卻應黃髮羨青春

劉桂林翁百一歲時手寫詩寄豫章熊朋來因次其

韻

僕吾朝

銅狄摩挲遠出關高名清節足廉頑靈椿相望八千歲老
驥長辭十二閑海月飛翰登嶠上天風吹夢落人間絳翁
甲子誰能紀自有金丹爲駐顏

梅信

劉鶚

破雪爭春喜奪魁好音到我亦悠哉孤山久渴詩人想庾

嶺初逢驛使來風細暗傳香迤邐月明難覓影徘徊來朝
著意勤探問只在前邨野水隈

元旦試筆

劉鶚

曾隨仙仗立仙班誤逐紅塵落世間遙向孤城瞻鳳闕定
須清夢遶龍顏乾坤劫運隨雲散嶺海春光帶雨還三祝
聖躬千萬壽老臣長與護梅關

暇日有懷士彥

劉鶚

提攜寶劍斬長蛇獨運神機不憚勞快覩中天懸日月徐
看滄海息波濤劇談英武今誰敵若論猷爲昔更高老我
惟當相羽翼太平和氣要薰陶

寄義士吳元良

劉鶚

永豐縣志

卷三十八

七言律

四十九

幾年四野龍蛇鬪嗟子勤王獨至今曾爲憂民添白髮屢
從殺賊見丹心當思臣節如山重更憶君恩似海深善惡
貽名宜慎擇倚樓西望爲長吟

謾書

劉鶚

麾下更無兵可調城中又乏米堪憂孰爲報國忠君計姑
作求田問舍謀免只守株甯可待魚從緣木豈能求老夫
束手愁無奈白盡平生未白頭

栽松

劉鶚

分司無事日徘徊移得新松手自栽直幹行看龍夭矯清
陰留待鶴歸來冰霜此日存高節廊廟他年獲大材寄語
樵夫休翦伐要令百尺接天台

明

暑霽遙岑應制

戴安

暑霽遙岑草木青神京王氣轉清明九苞彩鳳來雲嶠百
轉黃鶯繞錦藤金殿曉開迎旭日鸞旗春動拂原撼字晨
星侍臣拜舞賡歌外猶聽簫韶奏九成

鍾山秋寺應制

戴安

赤葉林深野寺空老僧說法對西風雁飛每向秋雲外蛩
響偏從夜月中客子時時聞晚磬朝官日日聽晨鐘榮光
紫氣騰千尺為喜天涼轉蔚葱

駕祀圓丘應制

丁節

龍袞昇壇雉履移千官扈從祀皇祇薰風徐動黃金鑰膏

永豐縣志

卷三十八

七言律

五十

露濃霑赤羽旗時異周王營洛邑禮加漢主在汾睢平明
鳳輦還宮闕五色祥雪滿露隨

太廟習禮應制

曾衍

清廟祠官曉戴星九重雅有舜儀形神仙人物來三島禮
樂聲光動四靈香傍袞龍元霧合花懸蠟鳳彩雲停書生
亦寫清平調願雜簫韶奏廣庭

奉天殿早朝

習韶

玉漏寒催禁苑深漢家宮闕曉沉沉一天紫氣浮雙闕千
樹東風滿上林雲擁舜韶來翠輦露流仙掌溼黃金御溝
新水天河碧照見皋夔稷契心

柬李益春

習韶

客雪樓高並北華深閑只似道人家半陂流水生蘭杜一
樹春風落杏花白日放歌無酒債青春得意在桑麻太平
有道雲泉迴高尙何妨細煮茶

送謀仕俊赴昌化

胡廣

昌化三年佐政勞簿書考績謁銓曹金門待漏霜華靜玉
陛辭朝月影高江路曉行山寂寂浙河晴泛水滔滔到時
又是新春後滿縣東風綻碧桃

送翰林侍講曾子榮扈從北京

苗衷

五彩雲端寶扇開近臣扈駕出蓬萊身依日月瞻明主世
掌絲綸屬俊才淮水晴光分曙柳嶧山春色帶寒梅縣知
獻賦行宮晚賜得金蓮馬上回

永豐縣志

卷三十八

七言律

五十一

秋園晚趣

艾少嶽

老圃西風日夜清幾多幽趣入心情題殘紅葉詩難就看
遍黃花酒自傾野服肯禁霜氣肅洞簫吹到月華明陶潛
當日空歸去何用區區避世名

宿鷺溪劉參政鶚忠節祠感賦

曾榮

嶺表孤城烽火秋勢危建節老臣留百蠻瘴癘旌麾暗萬
國軍聲海氣浮學士文章光日月柏臺忠義老滄洲身經
百戰甯辭死天地無情草木愁

花萼集與弟憲副鼎詩

十四首

曾榮

舊業青氈閱閱崇科名幸爾亢吾宗譜傳東魯先賢後家
住南唐舊社中一曲驪駒愁對酒九秋雕鶚盡橫空觀風

正好詢遺跡百二山河自古雄
都門祖餞歲將闌把酒臨歧不盡歡馬首去逢燕雪霽雁
行飛度隴雲寒兩京夜雨連牀久一道秋霜攬轡難若到
春來池草綠日邊有客夢長安

一官曾歷古咸京宦道分攜漫自驚春色池塘勞遠夢夜
牀風雨憶離情田園荒落成何事江海驅馳愧此生回首
白雲家尙遠心隨片影亦孤征

相見星霜六換餘江南風景近何如松楸已遠猶供祀宗
族多貧也讀書久別鬢毛侵暮景乍逢骨肉慰離居對牀
未盡鄉園事禁漏催朝五鼓初

臣路東西會面稀都城相見復相違重持憲節辭天去獨

永豐縣志

卷三十八

七言律

五十二

挂征帆帶雨飛爲客豈堪千里別攜家應向故園歸秋來
何處遙相望鴻雁聲中月滿衣

外臺佐憲屬重遷昔別那知又五年共荷萊蕪遺舊德敢
將華萼側時賢慣騎驄馬朝天路忽聽猿聲上峽船賴有
清名兄獨信至今未識益州箋

半百纔過便覺衰每因離別亦堪悲正當官路重逢日况
是親喪未盡時舊業幸聯龍虎榜新愁忍誦鵲鴿詩明朝
把袂都亭後回首雲山總繫思

遠持憲節上京畿忽報承恩日下歸去路又經枚乘宅過
家還著老萊衣離腸每爲聞猿斷鄉信多因見雁稀想見
瞿塘秋正晚西風輕颺布帆飛

宦轍驅馳會面稀何堪又送錦城歸
薊門日出驪歌促劍閣雲深鳥道微
桑梓共憐先業在蘋蘩遙惜故鄉違
秋來轉覺離腸切萬里心隨一雁飛

別離易久思依依況是秋來見雁稀
自嘆萍蓬多浪跡誰云華萼有光輝
玉堂金馬承恩舊冬筍冰魚與願違
還憶去時分手處蕭蕭風雨暗郊畿

一望西川萬里情何堪衰病客咸京
翻思往日連枝會忍聽清霜落葉聲
天際白雲空在望鏡中華髮自堪驚
春來多少池塘夢應解隨風到錦城

別來荏苒幾霜餘此日重逢在客居
楊柳煙深新暑後芰荷風淡晚涼初
且因聽雨傾銀甕共喜朝天拜玉除
衰老

永豐縣志

卷三十八

七言律

五十三

乞身須及早擬尋舊業結茅廬

莫向尊前唱渭城老來離別最傷情
江南渺渺孤舟夢嶺外迢迢萬里程
驄馬曉嘶霜氣肅鱷魚夜徙海潮平
到時應及春初候先報京華白髮兄

都亭涼葉顫秋風相送臨分思不窮
別路且須停曉騎離絃不忍寄秋鴻
梅花夾道臨關外柳葉連山到粵中
嶺海澄清應有待襟期當與古人同

劉景惠持吾亡友羅一峯事狀來訪
白沙道其尊翁程鄉宰肅菴願友之意
留予館中數日贈以詩

陳獻章

儒官秋晚謝遲回林下齋扉不浪開
顧我敢辭千古述故

人真爲一峯來風流相見雷封下消息遙傳雪浪堆明發
仙舟聞解纜屋烏情在莫頻催

寄題一峯草亭

陳獻章

一峯謝病去官門人何君喬壽割田百畝以供伏
臘予聞而深喜賦此以寄

青山卜築壯吾曹白首悲歡定此交弟子何心供伏臘先
生多病托衡茅雲霄萬里孤飛翼宇宙千年一繫匏江上
獨歸音信少天涯相憶夢魂勞

送劉肅菴別駕之雷陽

陳獻章

安得大風來掃之滿船戈甲送君時斯民若道無三代孔
轍何須遍九夷暝入滄溟知島嶼春隨紅雨別山籬白頭

永豐縣志

卷三十八

七言律

五十四

別駕雷陽去何處明朝更有詩

贈羅用晦卽以送別

陳獻章

長寄湖西夢裡身孤舟春盡忽相尋乾坤自古悲離合伯
仲而今契益深草色正催公子醉花枝不稱老年心何須
袖卻鴛鴦手更向滄溟問我針
懶作人間賣卜仙江門浪裏枕書眠詩篇到老絕求世酒
盞逢春不愛錢貧病閉門心似水江湖知己遠如天一春
不報金牛信那得江花對惠連

元夕應制

傅球

聖主雍熙慶上元鼇山高聳疊層巒福頒天下袖仙降詔
下人間士庶觀萬斛紅蓮開玉殿九成韶樂奏金鑾儒臣

幸際隆平日深沐皇恩五夜看

送黃進士進菴之官雲夢

劉定之

除書重捧出神京南去迢遙萬里程山遶青徐晴雪霽水
通淮海暮潮平身閒不羨千鍾富道在惟安一榻清况是
故園居址近往來長得話交盟

前題

吳節

知公清譽重璠璣捧檄南行萬里餘祖席莫辭今日酒仙
舟應載昔年書潞河紅葉經霜後楚地青山過雨初遙想
到官春正正好音多託漢江魚

前題

姜洪

除書朝下彩雲端祖席都亭不盡歡酒罷最憐千里別官

永豐縣志

卷三十八

七言律

五十五

五十五

清不厭一氈寒江淮紅葉霜餘見荆楚青山雪後看到日
懸知多樂事杏花壇上足盤桓

送黃友菊之官灌陽

蕭鎡

學博榮遷下九香翩翩兩袖御香飄梅關西上鄉園便桂
嶺南行道里遙榕樹濃時春雨過藤花落盡瘴煙消懸知
橫講黌宮暇迴憶恩光共首翹

前題

楊泰

來官屬道公迎我歸隱林泉我送君世事浮沉猶逝水人
生聚散似飛雲游心高附冥鴻侶適意閒盟白鷺羣此別
悠悠千萬里一樽何日復論文

贈白雲先生出使占城

林文

欽傳天語下承明駟牡駢駢出玉京璽敕九重頒御闕使
星萬里照占城片言頓使夷心服四極咸遵帝命榮更喜
西江歸省便雙親深慰尙門情

前題

陳文

占城萬里海南通將命行封使節雄束帶襲衣頒曉日扁
舟飛旆趁秋風承歡綵服趨庭便越國夷情望闕濃想見
德音宣佈早一時賡拜盡輸忠

贈白雲先生之任廣東參議

王瑞

月殿雲梯取次攀早隨鵷鷺列仙班四方專對才難並三
尺持衡髮已頒寵眷正宜隆北闕旬宣何幸荷南還年來
嶺海無甯日願借仁風一解顏

永豐縣志

卷三十八

七言律

五十六

贈大行人白雲赴南京刑部員外郎 林文

四方奉命已多年職擢秋臺荷峻遷帝闕北辭天咫尺客
程南去路三千羣黎欽恤昭君學訟獄平反邁昔賢南國
祇今民俗美鍾山吟對覓新聯

贈長吾劉先生之任廣西僉憲 楊士奇

聖主用臣興至治一經際遇有光輝策名前歲登金榜持
斧今朝著繡衣山路倚雲榕葉暗江城過雨荔枝肥行宣
德意咨民瘼珍重皇華駟牡駢

贈弟宏敷

鍾復

一官清淡在詞林有弟南還別意深江上已乘歸去棹囊
中未貯賜來金池塘生草三春夢風雨連牀兩地心珍重

到家調膳後平安早寄北堂音

輓劉俊

鍾復

挾策翩翩上帝州喜同官舍敘交遊人間未注黃金榜天
上先成白玉樓蠹簡讀殘燕市晚鴈行飛散楚雲秋承家
更想諸郎幼惆悵西風淚雨流

輓熊都堂二首

鍾復

早從臺省司風紀屢向彤墀聽玉音宣撫十年清譽遠褒
封三世聖恩深何堪白玉催成記虛負蒼生望作霖漠漠
愁雲連柏府碧霄驚見法星沈

早年峩豸待明光已有能聲動四方鳳勅屢霑霄漢露繡
衣長帶柏臺霜禁墀喜見陪鴛鷺廊廟愁聞失棟梁黃壤

永豐縣志

卷三十八

七言律

五十七

未能埋白璧至今青史有餘芳

贈鄧景鶚省親南遷

陳球

芳年定省到京華樂序天倫興未涯戲綵已陳初度宴逢
秋欲折廣寒花舟回濟水猶爲客路到文江卽是家梓里
逢迎多故舊共論世治飲春霞

金臺倡和詠爲高公望作

劉素

來京正值百花開共喜恩光徧草萊旅館鶯啼春夢覺上
林鴉散早朝回江湖每羨丹心在歲月誰憐白髮催昨日
清明動鄉思驚看榆火換爐灰

和林緝熙訪六一公於西陽宮二首 羅倫

秋日微涼草樹悲此情堪與故山離蘇黃人物從頭數周

邵風流雅未知野老自能償伏臘東風無計奈糠粃憑君
莫唱滄洲曲一淚斜陽灑臥獅

西傾一極論今悲潁上方歸思欲離古樹碧圓山欲斷小
窗虛白月先知滄江日老三秋鬢太古風清萬國粃暮雨
無言翁仲泣淡煙芳草對殘獅

贈張瀧厓足隱

羅倫

五柳先生歸去來陶然獨對菊花杯巢由不識君人面伊
呂徒勞王佐才簔笠每披煙雨去牛羊幾放夕陽回錦袍
公子莫來此門對南山日懶開

御筆親除方伯有感而賦

梁賓

黃金鑄象玉蟾蜍九道承宣御筆除詔諭猥蒙宣室召治

永豐縣志

卷三十八

七言律

五十八

五十八

安曾進賈生書中官敕賜螭頭宴內膳香分天上酥醉插
宮花紗帽重都人爭笑老迂疎

秋興

唐余

清秋寒露灑黃花亂後萍蓬到處家王粲荊州淹歲月蘇
卿邊地老風沙金銀樓觀飛黃蝶鐵石山河起暮鴉興廢
百年皆定數晚晴搔首望京華

卜築山居

劉霖

買得青山貴似金瘦筇上下費沈吟花開花落相關意雲
去雲來自在心夜雨一江漁唱小秋風兩袖客愁深夾堤
密與栽楊柳賸有行人待綠陰

贈劉復謙重修歐陽文忠公祠

曾匡

歐公祠廟老沙溪遺像巍巍見羽儀事業伊周名宰相
文章韓柳古儒師煙雪樓閣千年柱風雨莓苔此日碑多喜
劉郎繼前度經綸有志在扶危

紀陳道修夫婦孝節詩

劉 訥

天涯歸路阻蛟鼉風雨號天赤骨多魚腹自甘應殉葬
髡毛難昧敢移他百年春去花如霧每夜潮來月似校
采遍諸蘋無過雁憑將清露答恩波

中秋對月

聶 豹

露下天高落木寒近人河漢轉冰盤肩輦挑錦誰家女
淚灑傷兵此夜欄四壁蛩聲秋唧唧百年身世路漫漫
飽餐芋栗鄉園老一枕清光夢寐安

永豐縣志

卷三十八

七言律

五十九

五十九

九日登凌空閣限杜韻三首

聶 豹

幽懷如織撥難寬偶共登高一縱歡自信林邱便老圃
敢辭塗炭坐朝冠風高絕頂衣堪振露吸天香夢亦寒
白髮摧殘惟我在幾人青眼久相看

天高露下清如許飛閣高懸最上臺萬木盡隨楓葉下
一樽聊爲菊花開江山有待爲湮著風月無端任在來
老我於茲真得所從教白髮日相催

興繞高臺欲奮飛光聯車馬發熹微岫雲偏爲幽人出
煙樹猶宜倦鳥歸五巘岑蟠澄爽氣萬峯羅列效靈暉
清秋良會羣金玉杯盡何妨再典衣

相石亭

戴養浩

面血常山一瞬間丹心流落道傍頑孤臣事急倉皇度萬
騎途窮索寞還地老天荒無泪灑海枯灰盡有亭閒陣圖
不逐江流轉疑是飛來重此山

遊光霽巖

昔一峯白沙
曾遊於此

戴斗南

山中白雲當午開山下道人騎馬來鴻濛此竅開光霽今
古有懷空酒杯醉裏乾坤無世界囊中風月有蓬萊一峯
已去白沙老誰爲濂溪更築臺

九日登獻山奉獻聶太保公兼謝凌明府

宋儀望

絕巘岩堯小徑盤萬峯迴合見仙壇雲依虛閣青冥削地
轉明河白晝寒躡屐登山陪謝傅栽花滿縣繼潘安共懽

永豐縣志

卷三十八

七言律

六十

四海爲家日今夕何辭酩酊難

贈別陳西塘兵憲浙東

宋儀望

幾載烽煙報越東使君懸印遠臨戎旌旄閃日光生浦繡
斧飛霜寒避驄諫省盛名傳舊疏海邦殊擢待奇功亦知
此別歸來晚莫惜瑤華寄早鴻

九日陪吳明府諸公登獻山凌空閣和杜韻

宋儀望

絕壁危欄逕不寬秋深搖落若爲歡雲中仙令雙鳧舄洞
裏幽人短鷁冠白水蒼茫山欲斷青天迢遞歲將寒萸囊
菊酎多恩澤獨倚明河閣上看

遊白水豐

宋儀望

誰將斷壁瀉鳴泉猶似昆明鑿漢年巖壑半飛天外雪江
村遙帶隴頭煙因尋谷口遊方外笑指桃源在洞前便欲
從君長避世一簑春雨斲山田

奉陪吳明府諸公遊陽山觀次韻

宋儀望

駸駸羽騎出郊邱涼吹蕭森萬木秋路轉煙休迷去住山
迴巖岫恣探遊煉丹臺上雲常起太乙壇前水自流此日
幸逢勾漏令渾忘名姓任呼牛

再疊舊韻

宋儀望

紆林曲磴路千盤獨立中峯一羽壇雲樹蕭疎秋欲暮風
泉漉沆晝生寒但開小徑留羊仲厭說東山起謝安歲晏
江湖心自遠煙波到處放舟難

永豐縣志

卷三十八

七言律

六十一

張廷臣妻歐陽節婦詩

陳瓚

蚤歲孀居撫二孤冰霜節操幾人如窗前課讀朝丸膽燈
下勤攻夜辟纊有象寒潭澄皎月無瑕美玉湛冰壺方今
聖主崇貞烈青史還看六一書

登雙江公凌空閣

羅洪先

拔空披翠八窗開誰向青霄起玉臺舊客遠從雲外入主
人新自口邊回憑軒獨坐千峯上斲地高歌萬壑哀來往
便當乘鶴背愛君身已出塵埃

奉陪雙江先生訪舊石屋

羅洪先

僻居春日苦離憂獲奉巾車訪昔遊共出羊腸從遠道幾
看魚泳坐臨流孤雲無繫身常健一劍相攜志已酬不遇

辭榮甘混跡豈應清論在林邱

赴雙江約入安成

羅洪先

十年農圃不知貧漫惜花飛淚
濺巾偶宿巖厓逢道侶倍
憐章句誤儒身閣中曉雪千峯靜
洞裏寒梅一夜新
報道春江發春賞前汀可有問津人

和陳西塘同陳任菴明舟夏日登鐘樓韻

郭汝霖

樓閣凌空九夏來
峩峩山色倚雲開
萬家井閤浮煙樹百
里提封峙壯臺
河漢驚傳鯨韻吼
雨花飛訪蝮陰回
凭欄喜共王喬飲
雙履行瞻接上台

送聶文蔚先生出詔獄南歸二首 尹臺

永豐縣志

卷

三十八

七言律

六十二

帝闕浮雲萬里開
春風繁雪霽燕臺
孤臣敢爲微身計
聖主終憐天下才
夏勝傳經應自信
范滂攬轡欲誰裁
古來麟鳳無羈絆
寄語虞人莫浪猜

少日論兵堪棄繻
中年守郡竟投符
玉關人老無徵節
銅柱功成有謗珠
夢遠江湖心獨苦
身辭羅爵道何拘
冥冥花月金牛夜
好理殘墟種白榆

江上晚眺懷王著作

高啟

渡頭西望足離情
晚水寒山雪後清
鷗立斷冰流漸遠
鴉隨殘照去還明
漁人笛過風生浦
估客帆回樹繞城
范蠡祠前春意動
思君欲放酒船行

題清風書館

鄒幼亨

波光環映碧溶溶
牕戶涵虛似鏡中
四壁圖書無長物
三山蓬島有清風
芸香收處消蟬蠹
桃浪生時起蟄龍
聞說高臺足登眺
何當從爾命飛鴻

吏部試早朝詩

吳三德

九衢人馬競喧豗
待漏金門曉箭催
五色祥雲隨仗入
一聲清蹕自天來
星移丹陛晨光迴
露浥金莖爽氣回
佇看夔龍敷奏罷
珊珊珂佩下蓬萊

贈張志崇先生北征

郭廷鳳

江上帆檣順急湍
計程不日到長安
鯤鵬萬里秋風遠
貔虎千營夜月寒
聖主有恩當報國
慈親無恙莫休官
到頭勤苦功勳在
圖畫麒麟閣上看

永豐縣志

卷三十八

七言律

六十三

過秋江

曾鼎

澄江一帶繞村流
山下衡門處處幽
勝境人煙從昔盛
前朝文物至今留
屋邊夏木千尋秀
天際雲屏萬疊稠
見說秋來景堪賞
芙蓉如錦照芳洲

自水心至秋江宿劉素彬家明日還湖西馬上作

彭教

十里秋江騎馬來
曉畦涼露溼漼漼
子雲有宅還三畝
元亮無錢可一杯
吾意獨憐幽澗草
野心狂逐灞橋梅
先生不飲忙歸去
回首南山紫氣推

李東陽謝鐸聯句挽羅一峯

湖海斯人遂寂寥

李

乾坤何處著英標

謝

壯心憤激應難

死^李末路倉皇竟莫招^謝百口恥爲溫飽計^李一封終補

聖明朝^謝空山舊草今餘幾^李辛苦平生向此消^謝

慷慨平生憶舊論^謝楚江南望欲消魂^李眼中富貴真無

物^謝世上功名別有門^李俯仰獨慚交道在^謝遭逢猶荷

甲科存^李極知原憲當時病^謝地下誰從酌此樽^李

弔羅一峯

夏寅

颯颯西風特地來兒童驚報一峯頽千年名節留青史五
色文章入夜臺華表月明歸鶴怨金牛洞冷野猿哀書堂
新築無人管付與東風長綠苔

經下韓灘作

鍾瓘

曾因蜀道損朱顏到此還逢百丈艱水自東來奔似馬石

永豐縣志

卷三十八

七言律

六十四

從中起突如山盤渦定是蛟龍窟隘路真成虎豹關名利
不能驅釣叟結廬翻說此中間

題喬林松厓

張舜鐸

甲子循環幾度新煙霞閒護臥龍身屢經朔雪終無恙不
嫁東風亦可人匠石共珍梁棟具畫圖傳盡古今神隔林
黃鳥休呼喚冷淡窩中則有春

恩江九日遊磨盤山

李日宣

便可尋高何處好磨盤亭子漲秋煙花開水面迎如笑纜
掛石頭巧似牽綫碣遺編尊大宰危樓斷閣隱神仙銜盃
不盡登臨意鼓枻別從一洞天

國朝

遊大仙巖

魏繼樵

聞道仙巖翠作堆，尋山登屐信幽哉。
溪邊花蕊香飄袖，洞裏泉聲浪滾雷。
處處仙田承露種，森森石筍傍雲栽。
勞心爭似閒心靜，聊伴煙霞酒數杯。

恩江八景

五巖晴雲

謝卓

巖首煙開萬壑清，層巒一上海天平。
道經怪石難容步，松倚危巖倍作聲。
仙竈尙疑餘火在，僧房時覺片雲生。
我來稽首求真訣，花自踟躕鶴自鳴。

湯阜

路上中峯秋氣清，仰天一嘯與雲平。
寒光若水時流影，寂

永豐縣志

卷三十八

七言律

六十五

籟無根晝作聲，試劍石存仙子去。
燒丹草發道心生，遊人極目空諸妄。
鐘磬孤高喜夜鳴。

雙溪春漲

謝卓

城隅淼淼匯雙流，沙宿鳧鷖水泛鷗。
一雲梅天飛急雨，千重桃浪溢芳洲。
石邊湍激聲逾壯，山際潏洄勢欲浮。
應信逝波需砥柱，敢將身世任虛舟。

湯阜

雙溪之上接雲流，春暖風和日下鷗。
幾曲寒潭幾曲水，一連芳草一連洲。
凝眸且說青山在，益興還宜綠醕浮。
閒看舟行名利客，升沈何日了行舟。

螺嶺松風

謝卓

路轉平岡野色分三松盤鬱自成羣
低枝虯結藏晴雪古幹龍騫入亂雲
天籟偶從丹壑動濤聲翻向碧空聞
披襟坐久煙光淨添得餘音送夕曛

湯 阜

出郭平岡幾路分高飛鳥雀各爲羣
三松何用秦時詔百節猶存漢代雲
藹氣氤氳星外遶清風謾謾月邊聞
涼陰滿地堪談處村酒沾來醉暮曛

鯉洲桃浪

謝 卓

金鯉洲邊春色融傍洲芳樹接芹宮
一江水漾玻璃淨兩岸花明錦繡叢
深夜絃歌紅浪靜中天雷雨碧霄通
南溟咫尺容鯤化雲翼還騫萬里風

永豐縣志

卷三十八

七言律

六十六

湯 阜

春江一望景融融路入東林有梵宮
楊柳剛垂搖碧岸桃花正吐繡芳叢
秋鴻徙去衡陽遠錦鯉遊來漢水通
端賴雙洲浮作印歐鄉文物播遺風

山院天香

謝 卓

真仙院宇踞山岑叢桂當軒結翠陰
自許雲霞堪作侶不依松檜亦成林
枝間零露浮香玉葉底清風點碎金
還笑扶疎蟾窟裏吳剛斤斧漫相侵

湯 阜

白露當秋染翠岑仙壇樹密晝陰陰
江流雪浪聲千里香放木樨花滿林
鳥爲催詩愁寸管雲來作句勝兼金
松篁

歷落皆成趣話與山樵斧莫侵

江橋月色

謝卓

一曲江流百尺橋水光沙色望中遙
城隅殘照投青嶂林外長河出絳霄
疎樹依枝看鵲遶澄波分浪見魚跳
憑欄已覺神清絕更有樓頭弄玉簫

湯阜

人立江心影漾橋晴空如洗隔雲遙
青霜萬里隨明月白雁千行唳碧霄
野燒迷離驚犬吠舟燈掩映觸魚跳
嘯歌藉遣宜舒步還聽高人品玉簫

鳳髻遺花

謝卓

山踰鳳輦避煙塵網綴蛛絲信有神
偶插玉釵酬一念遽

永豐縣志

卷三十八

七言律

六十七

六十七

生琪樹表千春菁蔥自具凌寒質黯澹還同失路人應是
帝京歸有日故含微笑向臣鄰

湯阜

玉英花種淨無塵夜靜花開愈有神
色相猶含今日笑年華不是舊時春
千秋已表抽簪事百代難忘酬帶人
樹古婆娑恩澤遠可堪孤月結芳鄰

仙燈流焰

謝卓

仙宮深鎖五雲端劍佩歸來鶴影寒
自有流光時遶座非關分火夜燒丹
徹同星斗沈瑤海聚擬珠璣積玉盤
望久渾忘蓮漏轉滿庭松竹露漫漫

湯阜

五峯現出白毫端
熠熠仙燈映草寒
任使陰風吹未黑
故教明月照還丹
懸厓裂石如鬟擁
仄徑旋螺若髻盤
慧焰千層然頃刻
何愁長夜獨漫漫

菊花石

陳學海

天工皴染巧難知
偏向靈根寫菊枝
紛披玉葉深深見
爛漫瓊花朵朵奇
逸客信饒泉石癖
高標未怕雪霜欺
好移靖節東籬下
醉臥花間夢與隨

淵明有醉石每醉則臥其上

己酉冬在鄂爾泰軍中奉

詔馳驛還

朝遣員護送兼

賜衣物至京奉

永豐縣志

卷

三十八

七言律

六十八

命改官檢討恭紀

聖恩并述己志三首

陳學海

中天麗日耀西陲
照見領陽一瓣葵
濫被

恩榮司諫草肯因
放逐詠江籬
感今雨露逾常典
憶昔雷霆總

教思擬報

高深勤末路
駑駘鞭策敢遲遲

百揣寒灰終不然
忽驚

溫詔下窮邊

賜環已遂羈臣願解網兼承

寵命宣駟牡
駢駢趨

曙闕三英粲粲耀
寒氊更憐孤劍歸
途遠遣使相將驛
路遄

樗散甯堪佐

聖時投荒臣分復何辭詎期三載別驄馬仍忝一官遷

鳳池奏牘慚無一事補文章冀答

九重知從今宦學忻雙得黽勉餘生敢自私

喜檢討陳二登還朝敬依謝

恩詩原韻和之

黃廷彥

九重溫詔下邊陲沛澤深恩向日葵車服光連秦塞草賡歌聲

壓楚江籬身隨仙仗趨

丹陛才映花磚發藻思攜得爐煙歸院晚金蓮撤送玉珂遲

歸及春晴花欲然揮毫今在

鳳池邊舊承雨露從頭紀新荷

永豐縣志

卷

三十八

七言律

六十九

絲綸徹底宣還往關河懷

紫禁始終袍笏耀青氍心懸捧日忘霜雪迢遞衝寒策馬遄

天顏不近幾多時話到

深恩淚溢辭鑒昔書思移視草許今退食得臨池羈窮忍道乾

坤窄悃款恭逢

堯舜知三載嚴威一朝霽總緣日月照無私

六一堂懷古

解友梓

徑轉瀧岡路欲封歐公故第仰喬松三朝勲業同韓富百
世文章待鼓鐘白石斷垣遺像在綠蕪廢院晚煙重摳衣
願采芳芹薦一水盈盈隔遠峯

過黃牛洞

廖道稷

行行無路立溪頭草木叢陰一綫幽崖上攆龍穿石虎天
邊蒼狗覆金牛郵亭陡向山腰起澗水深從壁罅流豬峽
纔過青寨接迂迴恍入武夷遊

宿徐氏別業

廖道稷

超然拔俗一嵇康新築幽軒綠水傍故缺窗櫺招月入未
安門板試風涼秋聲捲幔絃三弄午夢拋書席一牀十丈
紅塵飛不到野花靜遞滿庭芳

層山

畢光榮

年來轍跡遍陽豐太極風光迥不同千點雲峯環四面萬
家烟火聚當中橋通市井波痕綠樹繞村墟晚照紅未使
閭閻知揖讓何能雅化媿文翁

永豐縣志

卷三十八

七言律

七十

沙溪

畢光榮

水繞山環靈秀鍾昔年此地產文宗名垂天壤人如在化
及鄉鄰俗尙雍遺祀千秋留俎豆豐碑終古護蛟龍蒼松
翠竹瀧岡下幾度流連問舊蹤

表湖

畢光榮

空聞湖水漾清波但有羣峯擁翠螺曲逕屢迷雲暗淡肩
輿頻礙石嵯峨田開絕巘宜諸芋屋繞層巖蔭女蘿祇道
入山風漸古何勞書吏幾回過

春三日過瑤嶺遇雨

畢光榮

長風天半送輕雷萬疊濃雲一氣堆澎湃聲從空際落蒼
茫境向客中開奇觀偶許忙人得好雨宜隨春信來濕透

征衣吾不怨千疇禾黍幸無災

恩江舟中卽事

畢光榮

行役江天卽當遊今朝乘興泛扁舟
茶烹春水初經雨膾買鮮鱗始脫鉤
無事鷗羣依浪穩迎人山色帶煙浮
船頭獨坐舒青眼對此茫茫百感收

癸未春日永豐道中卽事錄呈梧樵畢明府

王廷偉

雲影東南得得來福星昨夜照樓臺
江山如笑征帆疾桃李多情夾岸開
暖到茅檐春著手清傳冰署錦成才
泉流六一橋何潔景仰高賢日湖洄

永豐尉署卽事

王廷偉

永豐縣志

卷三十八

七言律

七十一

瓜代恩江信及期暫依花縣學吟詩
高風頗憶梅仙尉直道當遵柳士師
翹首看山春自在明心鑒水日嚴茲
漫言分俸微嫌鶴忠表前賢報國時

齋中漫興示弟芝

張瓊英

風雲頻歲滯燕關鄉縣歸栖抱疴閒
賓鴈稻梁同爾瘦雕蟲詞賦爲人刪
白蘋釣艇雙江澈紅葉僧鐘五巖山
知有鬢霜添鏡裏得辭樽酒倒花間

歸家

張瓊英

歸路風吹語笑聲相逢父老半知名
村原在在新增象山重重舊有盟古木
烟高秋掩映香杭露積歲豐成宦遊
動是多年別纔慰家園繞膝情

將赴署示弟

張瓊英

便拙不辭官最冷居貧猶最富多文獨慙甘旨年年薄長
賴晨昏日日勤親老總緣兒女慰爨同何忍弟兄分平生
汝我天民想蓬戶春團花木欣

春步

張瓊英

高樹陰濃出郭涼春風吹落枳花香孤筇飛動煙霞氣病
眼揩摩山水光歸鳥每隨牛背客浴蠶爭賽馬頭娘阿奚
會得先生意賒就村醪醉夕陽

小室

張瓊英

氤氳手炷古爐煙行藥攤書自在便閒裏睡鄉無一事覺
來人境似千年花林影地風搖動沼水涵空月定圓馳訪

永豐縣志

卷三十八

七言律

七十二

海山終是幻寥寥小室有諸天

藤田道中寄馮子良明府

郭儀霄

遠峯開嶂闢洪蒙太極煙光盎化工春暖野塘鷗泛泛馬
嘶山店雨濛濛松林十里衣添翠花市千村樹隱紅聞道
使君將稅駕想多高詠入詩筒

月夜遊隱居寺過求志書院夢隱軒觀馮子良大令

詩意圖小影有賦

郭儀霄

夢裏鬚眉記得清依稀猶聽舊吟聲講堂虛敞誰求志詩
意深沈倍有情覘像喜逢賢令尹前身應是古先生千金
作士傳佳話慎莫徒存燕麥名

明府由浮梁任寄千金爲
求志書院買田儲膏火貲

維摩忽現宰官身詩意循聲孰替人從古英才資樂育三

生緣分定前因花城客散空吟蹟香國神清絕俗塵千樹
楠陰一庭月可能長此數昏晨

瀧岡書院懷歐陽文忠公

馮詢

千秋四海仰陶甄豈有如公只尙文在昔蘇黃稱弟子至
今韓范比功勲潏潏蕙藻清溪水鬱鬱松楸故嶺雲卻憶
舊遊關出處瀧岡煙水蜀岡分

晚眺攄懷寄友

徐湘潭

扶藜緩步出橋東霜後疎林葉半紅古寺僧歸深崦曲夕
陽人話小亭中心情已分宜招隱道力粗堅勉固窮彷彿
襄陽好風景比鄰誰復是龐公

口號

徐湘潭

永豐縣志

卷

三十八

七言律

七十三

春風滿路野花香十里陂湖水渺茫山似隨流爲曲折天
於薄暮轉青蒼沙禽側眼如窺客園柳披頭欲過墻林薄
晚煙零亂處希微已逗月昏黃

藝文志

五言排律

宋

代書寄歐陽永叔四十韻

梅堯臣

始謫東陵日當居建德年一書寃逐客四詠繼稱賢自謂
臨江徼相逢莫我先白醪封畫榼素鯉養泓泉戒吏收山
栗呼童惜沼蓮只期東浦過共醉小溪邊日日占風勢時
時到水湍安知貪挂席不肯暫回船自爾皆無定歸與亦
未然指程幾一月泝險歷三千魚鳥都難問音塵杳莫傳
因之走羸僕試與訪南遷比及過牛峽還聞迎璧田報言
雖不獲吉語喜多全我解歸堯闕君移近許淵問途曾未

永豐縣志

卷三十八

五言排律

七十四

遠命駕亦何緣衰野今行矣隆中有待焉鄉亭瓜接畛風
化蟻同羶卽欲朋簪盍翻爲俗事牽愛嬰嬌啞啞嗜寢腹
便便雞黍煩爲具輪轅豈得前寄聲勤以謝幸子恕其憐
來貺誠爲望論情恐未捐嘗親馬難郡果謁謝臨川遂得
窺顏色重忻論簡編聊咨別後著大出篋中篇問傳輕何
學言詩詆鄭箋飄流信窮厄探討愈精事道舊終忘倦評
文欲廢眠甯知主人貴但見左魚懸所至同風月相歡憶
澗瀍清歌嗟在耳素髮怪侵顛翠堞時登眺芳洲屢泝沿
難醒撥醅醑殊厭落頭鮮坐竹聽啼鳥臨流聒嘒蟬孤亭
起歸夢南陌去揚鞭出餞陪雙旆方蘄歷黃鵬始生山史
敬頗釋利塗邅會面辭何吐離膺事已填空餘郡樓望野

色際平烟

寄致仕歐陽少師

曾鞏

四海文章伯三朝社稷臣功名垂竹帛風義動簪紳此道
推先覺諸儒躡後塵忘機心皎皎樂善意醇醇大畧才超
古昌言勇絕人抗懷輕紱冕瀝懇謝陶鈞耕稼歸莘野畋
漁返渭濱五年清興屬一日壯圖伸北闕恩知舊東宮命
數新鸞凰開羽翼驥駟放精神曠達林中趣高閒物外身
揮金延故老置驛候嘉賓主當西湖月勾留潁水春露寒
消鶴怨沙靜見鷗馴酒熟誇浮蟻書成感獲麟激昂疏受
晚冲澹赤松親龍臥傾時望鴻冥聳士倫少休均逸豫獨
往異沈淪策畫咨詢急儀型矚想頻應須協龜筮更起爲

永豐縣志

卷

三十八

五言排律

七十五

生民

明

贈永豐陳彝訓致仕

楊士奇

祖帳錢河橋高情贈柳條鳳池年歲久薇省道途遙宦達
經三紀恩深荷四朝丹心常耿耿白髮遽蕭蕭謝祿身無
繫懸車興自超人猶望簪紱我已向漁樵竹色侵書几花
香著酒瓢達歸真足樂高蹈竟難招羈旅憐同郡分攜重
久要白駒如可繫聊復永今朝

壬辰元旦應制

習詔

歷象開元且輿圖協世康春明隨地好聖壽與天長雙闕
風雲氣層霄雨露香青冥迴羽蓋朱日煥龍章羽衛扶仙

仗冠裳雜異方八荒同禮樂千古會明良周道開麟趾漢
年徵鳳凰白頭歌聖治四海一農桑

元夕大內張燈應制

習 韶

雪罷瑤臺暮春融御苑晴天臨華蓋近月傍禁園清絳闕
移仙島彤墀列火城山攢鼇立極綵結鳳銜旌寶柱銀絲
絡金蓮繡葆擎雲霞千片曙星斗一天平沆漭流金掌簫
韶韻王笙九重春富貴雙闕氣澄明錫燕霑臣屬觀光賀
聖情南山齊萬壽大樂繼咸英

三月三日千秋令節應制

羅 倫

芳年臨上巳令節慶先春歷紀天開子杓回斗建辰四城
佳氣合三殿曙光新禁鑰通關早宮壺轉漏頻駕從星斗

永豐縣志

卷

三十八

五言排律

七十六

入樂向露臺陳中使催班急西駒立仗馴燭樓晴吐日香
几煖飛塵柳色籠雕輦蘭薰襲繡茵虎貔雄武弁鷓鷯肅
朝紳王室分封盛宗藩展禮親南山齊獻壽四境共稱仁
勝事宜修述才疎愧小臣

國朝

六一堂文讌

李 紱

炎宋文章運源流尙足徵百年熙自洽五季弊相仍正始
音難復西崑體可憎艱難當景祐豪傑起廬陵波用迴川
障源看攬轡澄龍門齊逸驥兔冊掃秋蠅餘子皆奴隸斯
賢屬佐丞廟堂爭范富廊廡立蘇曾居士身將隱斯文道
許承急流辭熱局別墅築寒藤竹簟風微扇茅簷日頗蒸

歸田還札錄載酒記觥稱歇絕千秋事風流一代能瓣香
存翰墨遺跡漫坡塍達者今安在斯堂得再升高文尋髣
髴峻節想峻嶒地迥驚觀海時遙嘆語冰清言殊磊落白
戰雪憎騰經雅相仇手師資共服膺方欣同酌斗兼慰免
擔簦車服徘徊拜窗櫺宛轉憑高山還可仰重與數中興

相石亭懷古

解友梓

信國勤王日空坑尙枕戈六師稱勇敢一戰忽蹉跎大角
星遙夜通津石覆阿頓令追騎脫直是百神呵社稷心仍
烈忠誠誓不磨軍聲山岳撼雷閃纛旄過曾到兵屯地還
聞馬伏坡燕雲難唾手炎海更揚波碑碣苔文剝衣冠廟
貌峩陰厓啼杜宇涼月照藤蘿一代成仁者千秋正氣歌

永豐縣志

卷三十八 五言排律 七十七

荒亭遺跡在懷古意如何

縣齋示弟芝作

張瓊英

飄泊彭城意歸期空早占自嘲孤館客翻若二難兼經笥
先生懶甌塵邑宰廉閔公慚口腹范老味齏鹽薄解工文
字終期售作縑周蛩飢且恤鸚鵡舞何嫌盡日憐蒙倦經
冬罷課嚴暮寒人遶屋林靜鳥穿簷細雨聽煎茗微煙看
裊簾客氈稀置榻神鏡靜依奩牆外雞棲埒城西晷入崦
藥逋殘歲減詩債別愁添但喜貧非病誰論轍與瞻坐差
肩可接棋下子休謙短燭從僮睡長宵攪夢甜漏催將斷
柝風逼欲開檐鼠鼠驚鼓枕移書怕損籤粟肌行便慄布
絮擁疑店劍壁虹光射爐牀獸火爨被溫吾愛坐窗曙汝

先覘雪片想深尺梅花訝露尖興來饒索笑看去少舒忼
呵硯冰銷煖擎杯釀帶黏稍伸龜手熨旋掃免毫銛竹外
枝斜好絃邊蠹蟄潛清心禪淡漠體物繪濃纖鉢擊輕聲
颺牙關險韻拈東家高臥理南省緩鬆箝始旦噤同鷓羈
棲翼比鷓判年真寂寂求米亦沾沾滿目飛瓊屑含情憶
碧巖好收園筍煑還釣沼魚醢春酒高堂慰明朝莫再淹
七言排律

國朝

賦得竹陰梅影月參差

應常中丞舉
孝廉方正

解友梓

百竿修竹蕭森甚幾樹江梅取次披想見輕陰疎影處誰
憐淡月淨雲時依依斷渚橋邊寺短短孤村水畔籬玉鏡

永豐縣志

卷三十八

五言排律

七十八

細標君子韻冰盤深蘸美人眉煙開虛白娟娟色露滴清
輝孃孃枝靜愛霜禽同照耀光分螢火各參差金節懈谷
梢應密香汎羅浮夢每遲乍帶翠叢侵繡幕旋涵冷豔漾
芳池點衣自有嬋娟態映檻真如海鶴姿到處倚歌頻製
笛何人索笑獨題詩卻逢雪後搖蘭舫更擬花前覆酒卮
最是關心寒夜景溪頭林下總相思

藝文志

五言絕

明

恩江八景 錄四

鍾同

白阜完春

數畝白茅岡風氣真淳古萬象森羅陳保合太和隲

玉嶺環秀

此地稀塵迹無邊積翠草輕風信馬蹄笑我濂溪老

北巖天柱

晴巒當戶前中流屹砥柱萬里路迢迢廣居安所住

葛井寒蟾

永豐縣志

卷

三十八

五言絕

七十九

仙井古猶今秋月寒浸底秋月湛天心吾心天上水

國朝

山行二首

張瓊英

風定谷猶響雨涼春更幽桃花碧天落絕壑紅泉流

拄策不能去松桂翳修修山客笑相問君行何所求

卽目

張瓊英

雨花明野磴風篠秀遙岑聞道多靈藥煙濛不可尋

夜坐

徐湘潭

探詩到冥微撫琴想太古鑪煙不欲霏涼月淡疎雨

山行

徐湘潭

石磴流澌滑騎行緩勒銜林空人影瘦殘雪落征衫

七言絕

宋

出永豐西石橋上聞子規

楊萬里

花愁月恨只辰啼
雨夕風晨不住飛
自出錦江歸未得
至今猶勸別人歸

元

題洪都觀

佟復

琳宮寂寂鳥關關
仙境來遊意懶還
白鹿仙人無覓處
杖桃明月過前山

曾氏八景爲子榮侍講賦

胡儼

永豐縣志

卷

三十八

七言絕

八十

九峯疊翠

九朵芙蓉擁翠還
捲簾相對綠雲閒
更要李白題詩去
宛在夕陽秋浦間

雙溪流水

一逕綠陀青杳杳
雙溪流水碧迢迢
如何畫得溪中景
花映青山柳拂橋

龍潭出雲

百頃澄潭細吐雲
碧沙流水不生塵
若教喚起龍行雨
散作千巖萬壑聲

虎溪積雪

小小溪堂雪覆簷
梅花枝上玉纖纖
山頭月落人初睡
猛

虎一聲風滿簾

平湖夜月

湖上煙消一鏡平
苔花風淡渚蒲青
夜深獨有湖邊月
還照當年學士亭

喬木春陰

喬木千章映碧溪
春深門巷綠陰齊
楊花雪落東風軟
時有幽禽自在啼

武城絃歌

當年精舍靄絃歌
樂育菁莪雨露多
共說故家文獻在
金鷄聲底又登科

竺臺蘭若

永豐縣志

卷

三十八

七言絕

八十一

石頭細路長蒼苔
古木陰陰寶剎開
莫道山中無惠遠
時人訪虎溪來

登東華

劉髦

層巒華構鬱崔嵬
隔水紅塵畫不來
鐵笛一聲空外響
月明疑是呂仙回

西峯冬至日舉惜陰會

劉教

暮雨禪房節序新
古松日日長龍鱗
不知陽氣回多少
悟到無生是淨因

金牛洞

羅倫

洞天風景碧虛中
九曲雲根一綫通
誰向紫陽山下路
梅花三弄倚東風

冕嶺晴雲

羅倫

變化無端古又今卷舒由我此機深時來慰滿三農望箇裏無心是有心

大旒垂玉

羅倫

一派銀河夜不收碧天無礙此天流紫雲芳草春無際卻界長天一色秋

飛輦橫翠

羅倫

碧雲芳樹與天齊回首湖山萬皺低莫遣桃花逐流水恐人疑是武陵溪

弔鍾恭愍公二首

聶豹

復儲一語逆龍鱗萬死顛連竟殞身戀闕忠靈應未返同

永豐縣志

卷

三十八

七言絕

八十二

歸今有故鄉人

披肝北闕悲恭愍駢首南畿痛魏鄒上下百年三偉節遲迴天地淚交流

飲永定學博劉進修家

陳獻章

社酒開顏一味佳風光初動長官衙東皇也解遊人意紅白教開樹樹花

閱周溪圖作贈劉景霖還程鄉呈其尊甫肅菴縣主

五首

陳獻章

大極無階不可躋卻從樓上望周溪天泉十丈無人汲雲谷老翁來杖藜

月色溪光蕩兩極酒醒開眼得蓬瀛試問老仙誰接引春

陵雲谷兩先生

月下溪邊逐影行
還聞何處瀉秋聲
扶君直到源頭去
七尺芙蓉贈一莖

水北原南秋更多
滿川明月濯纓歌
長官更結溪山好
去

問南昌乞釣蓑

余有藤蓑曩爲東白張先生取去聊戲之

咫尺溪光谷口分
谷中人語隔溪聞
明朝便下山亭去
溪上清風可送君

送別劉肅菴別駕致仕歸里

陳獻章

西來兩棹不曾休
重過江邊碧玉樓
共說湖西歸去晚
客心應未死金牛

一蓑歸去釣秋江
花近漁舟水亦香
卻笑此翁閒未慣
水

永豐縣志

卷

三十八

七言絕

八十三

中鷗影尙回翔

朱門誰道不如貧
笑把狂詩寫贈人
日暮孤舟向何處
野花啼鳥故山春

靜菴詩爲甯集典作

張舜鐸

倦飛孤鳥已知還
野草江雲意共閒
午睡起來醒酒半
手掇黃菊對南山

題劉祥麟味清軒

張舜鐸

深院無人盡日間
博山添火試沈檀
鈎簾放入牆頭月
細嚼梅花當晚殮

前題

楊敷

水光山色盪幽軒
坐到黃昏不掩門
半榻松雲青欲滴
一

枝梅月淡無痕

次陳石齋韻

劉彬

陶潛歸去未全貧
芋栗猶堪聚故人
卻憶金牛空在眼
嫩紅新綠不勝春

題劉近道秋江閒釣圖

戴邁

漠漠青山茅店孤
橋邊秋色滿菰蒲
可憐一棹衝寒去
還有鱸魚上釣無

愛園春景

吳成

木德乘春暖氣回
撩人光景愛園開
桃花萬樹飄紅雨
疑是飛瓊進酒來

寄鍾君彌彰

劉素

永豐縣志

卷三十八

七言絕

八十四

綠水橋西舊草堂
月明清景似瀟湘
比君煩問平安信
人在鑾坡憶故鄉

國朝

送黃嗣英歸里二首

張曾旻

春帆和雨皖江來
徐榻風清草閣開
眼底如君人不識
彥方丰格景純才

繫維空結故人情
話到鄉園百感生
風笛一聲山驛道
梅花如雪撲行旌

謁西陽宮三首

錄二

李金臺

六一文章擅一時
孝思尤重瀧岡碑
誰知貝闕珠宮裏
也愛人間絕妙詞

幾見豐碑出外臺
妄言妄聽總疑猜
不知當日歐陽老
曾倩黃公草檄來

南溟爲余籌歸費

張瓊英

黃金散盡滯歸程
親舊傾囊累不輕
白髮高堂君共念
方知相愛比同生

首夏晚歸郭外口占

張瓊英

細雨廉纖度筍輿
村村欣看插秧初
好風吹展千塍繡
三月花林盡不如

往縣城數日前後得絕句四首

徐湘潭

春畦如繡鬱村煙
漠漠雲陰漲遠天
一陣好風開霧幙
巖山口撲轎簷前

永豐縣志

卷

三十八

七言絕

八十五

松光草翠染衣襟
樵斧丁丁響亂林
回首離家便三日子
規啼處暮嵐深

磨盤洲上草庵幽
寂歷寒花照廢邱
槲葉滿堆人跡少
土牆飛過一蜂遊

菜花香熟黃蜂忙
輦草叢鋪較射場
薄晚少年調寶馬
玉鞍金勒晃斜陽

藝文志

賦

弔胥濤賦

羅公升

羅子客於錢塘時適中秋皎月初缺長空閭寥萬里清絕
乃江皋乎逍遙想故國之餘烈已而金縱擊轟轂戛蹄踣
囂塵漲天鬪艇彌澤行雲低回而不飛山川蒼茫而異色
羅子怪而問之客曰子獨不聞錢塘之潮乎夫天地之間
有高有厚有明有晦有動有植有常有怪賦形而立者以
億計而海爲大海之大浮人間其如空與太虛而爲對其
變化翕忽一日萬狀而錢塘之潮爲最錢塘之潮捲海山
吞吳會力拔寰中聲出天外瑰偉傑特之觀亘萬古信四
時而八月旣望爲快方潮之未至也乾坤爲爐陰陽爲鞴
一元之氣秋高而益盈望舒之精魄生而變態倒河海於
累空納萬流於一派陽侯捲波其欲立百神嚴駕兮有待
及潮之旣至也怒如雷霆疾若風雨日車爲之掀簸風師
助其呼舞峩峩兮層冰之來千里飛雪洶洶兮萬馬之奔
四合如堵倏谷變以陵遷恐山摧而岳仆見者膽落聞者
毛豎於是賁育之倫虓虎之士因茲水嬉以習戰事揆文
舫建彩標破驚湍逐駭猋駕蛟蜃以爲車履鯨鯢而成橋
大鼗搥靈龜之革修竿曳鮫人之綃三山爲陸暘谷爲徼
縱橫南北合散先後鬼沒神出鱗介相弔或擁蓋以高驤
或援戈而疾鬪或近海若而分餘甘或叩珠官而逢一笑

歡聲達於淮壖餘風騰乎越嶠層瀾旣平鼓者未息掣鼇
首擢鯤脊洗月窟探地極馮夷讐遊龍郟呂梁丈人陟降
乎左右蓬邱仙人逢迎乎咫尺此閭闔夫差之所以雄長
百蠻馮陵上國也是日也朝者休務賈者輟市贏糧而快
覩者纍屬八九百里雞林日本琉球闍婆萬斛之舟卯發
而辰至朝采夜光珊瑚火齊希世之珍山積而雲委茂先
所不能識宏羊所不能計此真天下之巨麗也今子重趺
百舍來遊三吳蓋將覽江山之律奇供筆墨於遊戲亦有
樂於此者乎羅子遽然變色曰此固吾之所以弔也而子
以爲樂乎且方全吳之時左滄海以爲池右梁山以爲郭
內重湖以爲襟帶外長淮以爲籬落水犀萬艘石城千仞
乘車踵申公之策伏軾藉延陵之信子胥運籌於帷幄孫
武受鉞於行陣前茅未起中原已震談笑舉六千里之楚
指揮壓四十縣之晉宋子齊姜靡至於後官魯壺鄭縞雨
集於主進迨夫孽臣擅朝豔妾錮寢長虎狼於肘腋進胙
毒於燕飲酣歌忘中庭之呼利口弛重關之禁積薪已燃
盲者安枕爰有一老身佩宗社覩大厦之欹傾忍寒蟬之
瘖啞乃逆鱗之屢批竟屬鏤之不赦豈九州之莫容恥中
道而更駕人生得死其實難猶有以見先王於地下鴟夷
朝浮越甲暮入棲鳥之曲未終至德之廟已泣甬東之徙
胡顏館娃之行莫繫委鐘簾於瓦礫嘯漁樵於都邑層臺
鬼哭而燐明榮楯獸號而鳥集於是忠魂上訴帝闈朝啟

乃錫命書以長茲水乘象載之輿策玉蚌之駟魚須前驅
龍伯作使凡排山倒海之威皆鞭荆棲越之氣且夫骨鯁
之臣生死一節豈生不忍去其故都而死乃致憾於宗國
彼濤頭之所指甯强弩之能移想乘波而東擊猶遺恨於
會稽薦馨香而痛諸姬之不祀覩楫櫂而慨餘皇之已非
伊吳兒其何知競簫鼓以爲嬉雖千秋萬歲之來歸恐滄
海桑田之增悲也嗚呼自有天地卽有此江如此潮汐閱
幾興亡較朝菌於大椿竟孰短而孰長昔祖龍之虎視十
六國其若芥擁萬乘以絕江投馬箠而填海曾勒功之未
能已旁觀之欲代況乎吳越直兩蝸角并吞割據不出掌
握朝弁冕於廟堂夕螻蟻於溝壑諒遺跡之幾何不足供

永豐縣志

卷三十八

賦

三

談笑者之一噓惟夫殺身成仁終古不朽橫大江以揚靈
眞不亡而曰壽彼舍義以取生徒舍羞而遺臭觀乎斯潮
媿汗乃走故吾謂明月之夕慶雲之朝澍雨降瑞雪飄名
山大川清泉怪石之流峙奇花異卉嘉禾美竹之夭喬皆
忠臣孝子賢士大夫精誠之所寓而沉於潮乎客乃太息
及顧落日覺悲風之四起忽洪濤之俱失

金馬門賦

陳植

按唐書註未央宮四門金馬門其第一也漢武帝
得大宛馬鑄像立魯班門因改金馬門或曰東門
京作相馬法所鑄也公孫宏待詔金馬門在建元
二年伐宛之事乃在元狩之後非由宛馬明矣然

愚意武帝好馬安知非得宛馬而使京鑄之耶馬
史好奇又安知非因其事而追書之耶乃本得大
宛馬作金馬門賦其詞曰

玉關浩兮凱歌崑明澹兮息波宛駒踏月以西入金馬倚
空而峩峩繫武皇之銳志奮拔山而誓河懷汗血於千里
涉滇溟而揮戈偉豐毛之神異鼓天鞞之至和鍊棠谿之
精粹範鳳臆而摩抄於是東門京技獻其奇巧魯班名門
易其傳訛此金馬門爲待詔之署所以名千古而不磨也
歟想夫是門也未央蟬聯輅軫旁午鼈脊摩空璇題刷霧
通蟻娥之往還儼鳳鸞之軒翥聲牙撐拄兀闔闔之中天
洞豁哈呀闐崑崙乎太古忽金馬之當前蹇躊躇而若顧

永豐縣志

卷三十八

賦

四

磨瞳影射於銅鋪鑄鬣浮光於瓊戶天關曉闢驚榮永之
出圖月殿夜輝與洞仙而共語獸環搖壓轡之玲瓏魚鑰
振連錢之絡組爾其訓儀丹陛駐彩黃扉匪銜盃之獸舞
兀立仗而不嘶天矯九重之龍出品熒兩觀之翬飛至若
虎柝嚴宵雞籌報曉朝劍迎花春旂拂柳亂錦韉之銀鞍
恍瑤池之觴酒差彷彿乎殿後之鞭非迫旋乎在驂之掉
通盼詣之嚴繩冠天梁之焜耀宜夫擅禁籞之清華爲諸
賢之待詔若乃禁扃靜密列署峇嶷八駿戒馭羣龍滿朝
瞻翠華於雙闕遺鸞韻於九霄佩繽紛兮璵瑀冠葳蕤兮
蟬貂袖天香之馥郁隨雲駕之飄颻爾乃縉紳俊彥曰從
曰陪公孫大廷之對相如詞賦之材主父嚴徐之雄辯蘇

公曼倩之詼諧或朝奏而暮召或徒步而鼎臺朝夕乎論思之獻揄揚乎盛德之培雖望之與更生亦相繼於後來咸倚騁乎長途之驥而下視乎伏櫪之駘吁不榮矣哉然而武皇好賢固形於跡弛之思與泛駕之諭而多欲之累不免誇於天馬之歌與褻蹄之鑄雖麒麟天祿盛著於圖書之府而射熊屬士乃見於列宇之數不猶欲賢之入而閉之門冀士之至而塞之路耶矧驥德之良不尙於天人三策之老而繞指之柔徒取於曲學阿世之傳則吾於數子而又何尤也昔駿骨之市燕昭有金臺之榮千里之卻文帝惜露臺之費且范蠡之金尙失報功之誠子期之琴亦歎知音之意而世方慕乎漢時待詔之迹榮羨乎漢時

永豐縣志

卷三十八

賦

五

金馬之美名也然金蟬之選有睹於黃門之牧驃騎之舉有得於馬前之輿則武皇金馬之署詎可以過非而待詔之稱又可以厚誣也哉嗚呼建章霧沉未央煙滅露臺荒涼銅駝荆棘石龍鱗甲飛動於劫灰之塹而茂陵石馬感慨於秋風之客於斯時也吾意天馬之在人間不爲龍劍之遁深淵則飛入乎九天之空碧安得相如之輩挾東方之徒而與訪金馬門之遺蹟也哉

黃鳥賦

聶豹

翳嘉木之葱蔚兮鳴黃鳥之嚶嚶坐綠陰之金羽兮協笙簧於咸英余聽之而愜吾之心兮忘憂患之怔怔蓋嘗和爾求友之聲兮杳魚鴈之沉冥慨管鮑之不可作兮痛趙

孤之白嬰彼邱隅之可棲以止兮脫羅爵之無因可以人而不如鳥兮行將尋霞邱之鹿伴復雲渚之鷗盟也

論書法賦

李原明

夫書字者動靜象乎天地創造法乎方圓乃人文之宣著實心畫之敷妍凝精結思預想丰姿之玉立通靈入妙要令生意以珠聯熟其八法而並用貫乎萬字以俱全陰陽於是乎生矣形勢以之而立焉逮夫發將帥之奇謀豁胷懷之秀氣一在手中七排其勢假陳元之德以耀其輝仗毛生之力以流其美遲澀迅疾存乎揮揚俯仰向背善其布置由是約法以行奇就形而取意推墜石於高峯列陣雲於千里戈飛兮弩發百鈞直牽兮藤垂萬歲陸斷犀象

永豐縣志

卷三十八

賦

六

兮險而勁氣奔浪雷兮抑而申觀夫左回右顧藏鋒蓄銳間白玲瓏結構伶利莊若鸞飛聳若鷹峙動若波文折若隼尾霆驚電擊以語其奔騰風林雨竹以語其披靡蟲喙影地以語其縱橫虎跡印泥以語其蹈厲龍泉太阿以語其光芒金城鐵壁以語其精麗式冠冕佩玉於厥躬削生硬纏綿之俗忌逞其徑丈之勢而備其五雲之體蓋變動鬼神不可端倪矣至若臨摹鈎搨法古師今要如優孟抵掌作叔敖之逼其真周昉搖毫寫趙郎之得其神如是則可以上追軒頡而下揖冰斯近祖宣尼而遙宗史籀倣蔡中郎之森嚴竊王右軍之神妙嗜元常之古肥嗜子敬之今瘦擅鍾離景伯之雄儀肖公孫大娘之舞袖爰有三昧

尤當細論書之變化甚若浮雲體之大概亦類乎人或如佩劍之壯士或如插花之美嬪或短峭者如曼倩或枯瘦者如靈均或輕盈如飛燕或斌媚如文君或肥如貴妃之揚豔或拙如醜婦之效顰或如五陵年少之齊整或如百戰將軍之勇勁或逍遙如莊生或幽閒如陶令或頎然而長或肅然而敬或如回仙醉醺醖之欹斜或如張子擁皋比之端正其比草木諸物之狀者萬萬若論之則不能盡也言未既恍然一客霞袂飄翩御風而興與叟駢肩口若河懸載笑載言貫道之器書藝爲先墨道之最慎磨兜鞬非其人也千金勿傳遇其人也泄露元中之元亦可謂書中之仙乃袖出五色之桃大如甕盎前叟爲壽擘而同飫

永豐縣志

卷三十八

賦

七

但見書林墨藪虹光萬丈虎嘯龍吟鸞鳴鳳唱客與叟辭
搏扶搖而直上

金石附

瀧岡阡表碑在沙溪之瀧岡宋太師歐陽修撰并書碑高五六尺許碑陰則刻歐陽世系書法渾古饒有溫潤氣韻考瀧岡爲崇國公歐陽觀故居宋熙甯三年四月修歸永豐省墓舟載此碑行五月十三日泊廬山下夜夢老人曰慕公文名願借碑一觀次日過鄱陽湖風濤大作舟屢欲覆修省悟沉碑於水少選波平浪息修感碑失無以表先墓泰和縣令黃庭堅爲作檄龍文焚於江心以取之比公至沙溪乃見大龜負碑池畔卽今龜塘是也碑內祭而豐不如養之薄二句似有龍瓜圈紋忠孝文章神猶鑒賞況學者耶此表購搨者甚眾墨搨能避火災朱搨能避水災屢有明驗但須用沙溪司官篆爲識以別真贋

永豐縣志

卷三十八

金石

八

鄂州武昌縣尉歐陽通理墓碑在沙溪之嚴坑距崇國公墓十里許此碑乃歐陽發撰并書曩時碑爲土瘞末由尋覓道光間大風拔木碑碣始出里人移置沙溪西陽宮字體圓勁秀逸與瀧岡阡表神理相似考發爲文忠公長子書法淵源於此可見

第一山三字碑在五巖山寺門坊宋襄陽米芾書字大如斗有龍翔鳳舞之勢

柱國二大字在歐陽文忠公祠門坊宋文信國公過邑書題字體剛勁宛與顏柳筆勢相近石刻猶存

宋韓忠獻歐陽公墓碑

碑佚文存於此

文存茲從安陽集原稿補刻

熙甯五年閏七月二十三日觀文殿學士太子少師致仕歐陽公薨于汝陰之私第年六十六上聞震怛不視朝贈公太子太師卹後加賻不與常比天下正人節士知公之亡罔不駭然相顧痛失依仰其孤寺丞君乃以樞密副使吳公所次功緒并致治命以墓銘爲請竊惟當世能文之士比比出公門下不屬于彼而獨以見屬豈公素諒其愚謂能直筆足信後世耶此其敢辭公諱修字永叔唐太子率更令詢四世孫琮嘗爲吉州刺史又八世生萬復爲吉之安福令子孫因家焉曾祖諱榔安福六世孫也孝悌之行鄉里師服南唐爲武昌令累

永豐縣志

卷三十八

金石

九

贈太師中書令曾祖妣劉氏追封楚國太夫人祖諱偃強學善屬文南唐時獻所爲文十餘萬言試補南京衙院判官累贈太師中書令兼尙書令祖妣李氏追封吳國太夫人父諱觀性至孝力學咸平中擢進士第當言明而尙恕每決重辟尤加審謹苟理有可脫必平反之終泰州軍事判官累贈太師中書令兼尙書令追封鄭國公自公祖始徙居吉水後吉水析爲永豐今爲永豐人公四歲而孤母韓國太夫人鄭氏守志不奪家雖貧力自營贍教公爲學公亦天資警絕經目一覽則能誦記爲文下筆出人意表及冠聲問卓然天聖中舉進士凡兩試國子監一試禮部皆爲第一逮崇政試雖中甲

科人猶以不魁多士爲恨初補西京留守推官洛尹文
康王公知非常才歸薦于朝景祐初召試遷鎮南軍節
度掌書記館閣校勘時文正范公權尹京邑以直道自
進每因奏事必陳時政得失大忤宰相意斥守饒州諫
官不敢言公貽書責之坐貶峽州夷陵令余安道尹師
魯繼上書直范公復被逐當時天下以四賢稱之俄徙
光化軍乾德令改武成軍節度判官康定初召還復館
閣校勘遷太子中允預修崇文總目成改集賢校理同
知太常禮院請外補通判滑州事慶厯初仁宗御天下
久周悉時敝重以西師未解思欲整齊眾治以完太平
登進輔臣必取人望收用端鯁以增諫員公首被其選

擢太常丞知諫院事賜五品服未幾同修起居注公素
稟忠義遭時遇主自任言責無所顧忌橫身正路風節
凜然時正獻杜公文正范公今司空富公皆在二府公
每勸上乘間延見推誠咨訪上後開天章閣屢召諸公
詢究治本長策大議稍稍施用紀綱日舉僥倖頓絕小
人始大不喜相與巧詆必期破壞公常極力左右之俄
拜右正言知制誥賜三品服人臣有建白請廢麟州徙
其治于合河津以省餽餉者命公親往相視使回奏曰
麟州天險正據要害不可廢第減其兵駐並河諸堡有
警呼集數舍之近耳兵旣減糧自不乏詔從之又奏忻
代州苛嵐火山軍並邊民田始潘美爲帥患虜時入寇

徙其民以空之遂號禁地自景德通好我雖循舊而虜人盜耕不已計募民計頃出丁爲兵量入租粟以耕之歲可得數百萬斛邊用給矣不然他日必盡爲虜人所有時并帥耻謀不自已沮撓久之其後卒如公請凡賦歛過重民所不堪者又奏罷十數事疲俗以安四年秋北虜盛兵雲州聲言西討朝廷疑其有謀議選文武材臣密爲經畫二府請輟公以往卽以公爲龍圖閣直學士河北都轉運使公至則區別官吏使能者盡力均徙財用而邊計有餘奏廣御河漕運造鑠楸船以絕侵盜置都作院于磁相州一道兵械悉仰給焉方條列北方利病欲大爲措置會文公范公與同時入輔者終爲讒

說所勝相繼罷去一時進用者皆指之爲黨公復慨然上書極言論救執政與其朋益怒協力擠之初公有妹適張龜正龜正亡無子妹挈前室所生孤女以歸及笄公爲選宗人晟以嫁之會張氏以失行繫獄言者乘此欲並中公復捃張氏貲產事遂興詔獄窮治上爲命內臣監劾卒辨其誣猶降授知制誥知滁州事執政意不快摭勘官與監劾內臣細故皆被責八年春就改起居舍人知揚州事踰年徙知潁州事皇祐初復龍圖閣直學士二年秋移知應天府兼南京留守司事歷尙書禮部吏部郎中丁太夫人憂去職服除入見上怪公鬚髮盡白惻然存撫恩意甚厚命判吏部流內銓素忌公者

恐將大用乃僞爲公疏請汰內臣以激眾怒有選人胡宗堯者當引對改觀前任本州嘗以官舟假人已而經赦去官止得循資公與判南曹官對日取旨上欣然令改宦宦者楊永德密奏曰宗堯翰林學士宿之子有司援救之私也遂出公知同州事物論不平上亟開悟留公刊修唐書俄入翰林爲學士史館修撰勾當三班院至和二年夏請郡改侍讀學士知蔡州事留不行復除翰林學士判太常寺兼禮儀事遷右諫議大夫嘉祐三年夏兼龍圖閣直學士權知開封府事前尹孝肅包公以威嚴得名都下震恐而公動必循理不求赫赫之譽或以少風采爲言公曰人材性各有短長吾之長止于

此惡可勉其所短以徇人邪旣而京師亦治四年春請罷府事改給事中充羣牧使唐書成拜禮部侍郎俄兼翰林侍讀學士五年冬以本官爲樞密副使明年秋參知政事英宗登極遷戶部侍郎治平初特轉吏部侍郎今上嗣位改尙書左丞公自處二府益思報稱毅然守正不爲富貴易節凡大謀議大利害與同官論辨或在上前必區判是否未嘗少有回屈文武之士陳請百端公常委曲開諭曰某事可行某事不可行用是人多怨誹至于臺諫官論事有不中理者往往正色折之其徒尤切齒日欲求疵合攻公自視無他不恤也始英廟踐祚按祖宗舊典皇族尊屬之亡者皆贈官改封濮安懿

王英廟所生父也中書以本朝未有故事請付有司詳處其當上謙恭謹重命過仁廟大祥下禮院與兩制官同議如期詔下眾乃言王當稱伯改封大國中書以所生父稱伯疑無經據方再下三省議上遽令權罷俾有司徐求典故事久不行臺官挾憤不已遂持此斥爲公主議上章歷詆必請議定及以朝廷未嘗議及之事肆爲誣說欲惑眾聽又相率納告身以示必去上數敦諭知不可留各以本官補外後來者以風憲不勝爲耻窺伺愈急今上卽位初御史蔣之奇者乃造無根之言欲以汚公中丞彭思永乘虛助之公退伏私居力請公辨上照其誣罔連詔詰問二人者辭窮皆至貶公遂懇辭

柄任上不得已除公觀文殿學士刑部尙書知亳州事熙甯元年秋遷兵部尙書知青州事充京東東路安撫使時散青苗錢法初行眾議皆言不便朝廷旣伸告誡公猶請除去二分之息令民止納本錢明不取利又請先罷提舉管勾官然後可以責州縣不得抑配不報三年夏除檢校太保宣徽南院使判太原府河東路經畧安撫使公累上章辭勺易蔡州大畧以久疾昏耗不任重寄復曰時多喜新奇而臣思守拙眾方興功利而臣欲循常執政知終不附已俄詔聽以舊官知蔡州事公在亳已六上章請致政上眷惜之不允至蔡踰年復申前請志益堅確上察其誠命優改官致仕年方六十有

五天下士大夫聞公勇退無不驚歎云近古所無也公天資剛勁見義敢爲襟懷洞然無有城府嘗以平心爲難故未嘗挾私以爲喜怒獎進人物樂善不倦一長之得力爲稱薦故賞識之下率爲聞人唯視姦邪嫉若讐敵直前奮擊不問權貴後雖陰被讒逐公以道自處怡怡如也平生篤於朋友如尹師魯梅聖俞孫明復旣卒其家貧甚公力經營之使皆得以自給又表其孤于朝悉錄以官自唐室之衰文體墮而不振陵夷至于五代氣益卑弱國初柳公仲塗一時大儒以古道興起之學者卒不從景祐初公與尹師魯專以古文相尙而公得之自然非學所至超然獨騫眾莫能及譬夫天地之妙

造化萬物動者植者無細與大不見痕跡曰極其工於是文風一變時人競爲模範自漢司馬遷沒幾千年而唐韓愈出愈之後又數百年而公始繼之氣燄相薄莫較高下何其盛哉所治經術務究大本嘗以先儒于經所得多矣而不能無失唯其說或有未通公始爲辨正不過求聖人之意以立異論嘉祐初權知貢舉時舉者務爲險恠之語號太學體公一切黜去取其平澹造理者卽預奏名初雖怨讟紛紜而文格終以復故者公之力也筆翰遒勁自成一家人有得其片幅必寶藏之歷典大郡以鎮靜爲本明不及察寬不至縱吏民受賜旣去追思不已滁揚二州皆立生祠嘗奉使契丹其主必

遣貴臣押宴出于常例且謂公曰以公名重故耳其爲外夷欽服如此至和中陳恭公爲相欲塞商胡決河使歸橫隴故道公言橫隴地已高仰功大不可爲未幾陳罷去有李仲昌者乃議道商胡水入六塔河公復上言六塔素隘狹不能容大河若爲之必潰決害愈甚時執政是仲昌議又不用公言後六塔堤果壞不成自博以下數州皆被水患眾服公先識在侍從八年竭誠補益前後上言百餘事仁宗嘗曰如歐陽修者何處得來故其言多所聽納因嘉祐水災凡兩上疏請選立皇子以固根本及在政府遂與諸公參定大議方英廟過自謙退未卽承命事久未決眾悉危之公協心開助忠力爲

多及卽位之初感疾未能聽斷慈壽預政事出權宜公與諸公往來兩宮鎮安內外卒復明辟人無間言嘗被詔撰唐書紀十卷志五十卷表十五卷又自撰五代史七十四卷易童子問三卷詩本義十四卷居士集五十卷歸榮集一卷外制集三卷內制集八卷奏議十一卷四六集七卷集古錄跋尾十卷雜著十九卷公于物無他玩好獨好收古文圖書集三代以來金石銘刻爲一千卷用以校正傳記訛謬人得不疑晚年自號六一居士曰吾集古錄一千卷藏書一萬卷有琴一張有棋一局常置酒一壺吾老于其間是爲六一因自爲傳以志之初娶胥氏翰林學士偃之女繼室楊氏集賢院學士

諫議大夫大雅之女今夫人薛氏資政殿學士戶部侍郎簡肅公奎之女累封仁壽郡夫人男八人長發次弈並光祿寺丞次棐大理評事次辯光祿寺丞餘皆早卒女三人皆早卒熙甯某年某月某日諸孤奉公之喪葬于某地銘曰

億公之節其剛烈烈弼違斥姦義不可折噫公之文天資不羣光輝古今左右典墳直道而行屢以讒蹶卒寤而知惟帝之哲升贊機務方隅以甯參議宰政社稷是經成此至公大忠以效德高毀及退不吾較公之來歸既安且怡宜報以壽戾也胡爲公文在人公迹在史惟茲不窮亘千萬祀

按尹繼美有安陽集歐公墓誌銘跋附錄於此安陽集韓魏公所著也中有贈太子太師歐陽公墓誌銘見第五十卷其略云唐太子率更令詢四世孫琮嘗爲吉州刺史又八世生萬復爲吉之安福令子孫因家焉曾祖諱柳安福六世孫也南唐爲武昌令祖諱偃南唐獻所爲文十餘萬言試補南京衙院判官父諱觀咸平中擢進士第終泰州軍事判官自公祖始徙居吉水後吉水析爲永豐今爲永豐人安陽集南人罕有藏者歐陽公墓又在河南新鄭以致鄉人於公之里居嗷嗷互辯莫得其詳亦可哂矣廬陵蕭崑圃學博嘗致書其姻歐陽介卿觀察云景德四年六

一先生生綿州官舍其里居實隸吉水至和元年析
吉水之報恩鎮爲永豐縣時先生年四十七矣韓魏
公安陽集可攷也周益公平園續稿第十五卷書示
永豐彭肅一篇亦可證醉翁亭記自署廬陵係以郡
統猶楊誠齋東里集中亦多署廬陵也愚按宋史地
志吉州廬陵郡其屬有廬陵吉水安福太和龍泉永
新永豐萬安八縣蕭學博言歐陽公自署廬陵爲係
郡統者固當第宋史本傳稱之爲廬陵人未詳其故
豈謂公四十七以前爲吉水人四十八以後爲永豐人
稱吉水人則遺其後稱永豐人則遺其前故係以郡
統而稱廬陵人歟抑係偶誤歟居京師得讀安陽集
因書此以告世之考公里居者